

四庫全書

史部

欽定四庫全書


史部  
欽定大清一統志卷二十四

編修臣錢樾覆勘

總校官檢討臣何思鈞

大  
名  
府  
圖

# 大名府圖







大名府表

欽定四庫全書

元城	府名	大
元城縣 <small>屬魏郡</small>	魏郡 <small>後漢建安十八年分魏郡置</small>	洪
元城縣 <small>郡治</small>	魏郡 <small>并初年以東郡置</small>	三國魏
元城縣 <small>郡治</small>	魏郡	晉
元城縣 <small>天守切屬魏郡</small>	魏郡	後魏
元城縣 <small>齊省置</small>	魏州 <small>開大武二年置</small>	齊周
元城縣 <small>開皇六年置</small>	武陽郡 <small>武德四年改武陽郡</small>	隋
元城縣 <small>舊唐書版城貞觀七年併入</small>	魏州魏郡 <small>武德四年改武陽郡</small>	唐
元城縣 <small>後唐改曰魏郡</small>	大名府 <small>後唐同元初置</small>	五代
元城縣	北京府 <small>慶應二年</small>	宋
元城縣	大名府路 <small>初為大名府</small>	金
元城縣 <small>後元二年</small>	大名府 <small>直隸京師</small>	元
元城縣 <small>府治</small>	大名府	明

# 大名縣

魏縣	元城縣地
魏縣	
魏縣	
魏縣	貴鄉縣 天平二年 分信陽置 曰新鄉 魏鄉 元城縣地 三縣地
魏縣	貴鄉縣 周建德七 年移治此 里舊在 為川治
魏縣	貴鄉縣 郡治
魏縣	貴鄉縣 州治
魏縣	大名縣 隋後置 曰文城
魏縣	大名縣 隋初六年 自府別徙 大名縣曰 南樂鎮
魏縣	大名縣 隋後為南 樂鎮
魏縣	大名縣 至元九年 徙移縣 舊治
魏縣	大名縣 洪武初年 入元城 才三年後 置于府 永樂九年 復還舊 舊大名府

卷之二

入魏武海  
開元三  
年移入河  
郭

大名縣  
 隋後置  
 曰文城  
 隋初六年  
 自府別徙  
 大名縣曰  
 南樂鎮  
 隋後為南  
 樂鎮  
 至元九年  
 徙移縣  
 舊治  
 洪武初年  
 入元城  
 才三年後  
 置于府  
 永樂九年  
 復還舊  
 舊大名府

魏縣  
 洪武三年  
 徙治五姓  
 舊大名府



南樂縣

南樂縣  
漢屬東郡  
後漢屬  
魏屬東郡

郡府在

長樂縣

省

平昌縣  
天平二年  
分元城置

齊省

昌樂縣  
大和二十  
一年分魏  
郡置  
北齊置  
初置昌樂  
郡天平初  
置屬縣

昌樂縣

涇水縣  
周建德六  
年分臨潼  
置

涇水縣  
屬魏郡

開皇十六年  
復置  
年又析置  
寧陵縣  
魏初仍舊  
屬魏郡

開皇十六  
年復置  
魏初仍入  
齊郡

繁水縣  
開皇六年  
析昌樂置  
屬武陽郡

自魏省

武德五年  
徙置屬魏  
州

昌樂縣

涇水縣  
屬相州

隋屬魏郡  
初仍舊  
天寶三年  
移治繁水

涇水縣

隋屬魏郡

南樂縣

隋屬魏郡  
屬大梁府

南樂縣

宋嘉祥四年  
改屬開德  
府

改屬大名  
府  
即事  
年省

南樂縣

皇統四年  
遷屬大名  
府

南樂縣

南樂縣

清豐縣

<p>屬魏郡</p> <p>陰安縣</p>	<p>屬魏郡</p> <p>頓邱縣</p>			
<p>屬魏郡</p> <p>陰安縣</p>	<p>頓邱縣</p>			
<p>屬魏郡</p> <p>陰安縣</p>	<p>頓邱縣</p>	<p>郡</p>	<p>頓邱縣</p> <p>晉泰始二 并置頓邱</p>	
<p>屬魏郡</p> <p>陰安縣</p> <p>太平真君 三年乃入 魏郡太和 十九年復 置屬魏郡</p>	<p>頓邱縣</p>	<p>郡</p>	<p>頓邱郡</p>	<p>屬魏郡</p>
<p>齊廢</p>	<p>齊廢</p>			<p>齊廢</p>
<p>魏置屬 魏郡</p>	<p>頓邱縣</p> <p>開皇六年 置屬魏 郡</p>			
<p>大曆七年 置屬清州</p> <p>清豐縣</p>	<p>初為州治 州廢屬魏 州復置為 治</p> <p>頓邱縣</p>	<p>天德四年 廢屬魏</p>	<p>貞觀元年 廢屬魏 大曆七年 并置屬 州</p> <p>澶州</p> <p>武德四年 置屬頓邱</p>	
<p>屬德清軍</p> <p>清豐縣</p>	<p>屬魏郡</p> <p>天德三年</p>	<p>天德四年 置屬頓邱 鎮九年徙 治德清 屬魏郡</p> <p>德清軍</p>	<p>晉天德三 并魏郡</p>	
<p>屬魏郡</p>	<p>屬魏郡</p>	<p>屬魏郡</p>	<p>屬魏郡</p>	
<p>屬魏郡</p>	<p>屬魏郡</p>	<p>屬魏郡</p>	<p>屬魏郡</p>	
<p>屬魏郡</p>	<p>屬魏郡</p>	<p>屬魏郡</p>	<p>屬魏郡</p>	
<p>屬魏郡</p>	<p>屬魏郡</p>	<p>屬魏郡</p>	<p>屬魏郡</p>	
<p>屬魏郡</p>	<p>屬魏郡</p>	<p>屬魏郡</p>	<p>屬魏郡</p>	<p>屬魏郡</p>





前  
所  
傳  
者



欽定四庫全書

欽定大清一統志卷二十二

大名府

在京師西南一千一百二十里東西距一百二十里南北距三百六十里東至山東東

昌府冠縣界四百里西至河南彰德府臨漳縣界八十里南至河南開封府儀封縣界二百八十里

北至東昌府館陶縣界五十里東南至山東曹州府定陶縣治三百里西南至漳德府內黃縣治九

十里東北至山東臨清州治一百五十里西北至廣平府成安縣治八十里

分野天文室壁分野

按唐書天文志營室東壁

三度至奎一度今大名府以及開州境內正當其地為衛分野

建置沿革禹貢冀兗二州之城

府地屬冀開州以南屬兗

春秋屬

晉衛二國戰國屬魏衛二國秦屬東郡漢分屬魏

郡

南境為東郡及陳留郡地

後漢建安十八年分魏郡屬東郡

都尉三國魏黃初二年以東郡置陽平郡晉因之

李吉甫元和

和郡縣志前燕慕容

後魏為平陽郡地

時郡移治館陶今屬山東東昌府元和郡縣志作石趙時徙郡

東魏天平初改屬

魏郡後周大象二年始分相州置魏州隋大業初

改為武陽郡唐武德四年復曰魏州龍朔二年改



曰冀州置大都督府咸亨三年罷府復曰魏州開元二十一年置河北採訪使天寶元年改曰魏郡

乾元元年復曰魏州廣德元年置魏博節度使

建中

三年田悅嘗改州為大名府尋罷

天祐元年賜號天雄軍節度五

代唐同光元年升為東京興唐府三年改為鄴都

晉天福初改為廣晉府漢乾祐元年始改為大名

府周顯德元年罷都仍為天雄軍節度宋初因之

慶曆二年建為北京熙寧六年分為河北東路金

初為散府正隆二年升為總管府置大名府路貞祐

二年置行尚書省

元志金改安武軍而全志不載

元曰大名路屬

中書省明曰大名府直隸京師

本朝因之領州一縣六

舊兼領內黃濟滑魏四縣雍正三年以內黃改屬河南彰

德府濟滑二縣改屬衛輝府乾隆二十三年裁魏縣分屬元城大名

元城縣

附邦東西距七十七里南北距七十五里東至山東曹州府朝城縣界七十五里西

至大名縣界二里南至南樂縣界三十里北至山東東昌府館陶縣界四十五里東南至南樂縣界

五十里西南至大名縣界二里東北至東昌府冠縣界三十五里西北至廣平府廣平縣界五十里

漢置元城縣屬魏郡後漢因之三國魏為陽平郡治晉因之後魏郡治館陶以元城為屬縣東魏天

平初改屬魏郡人析置貴鄉縣北齊省元城入貴鄉後周于貴鄉縣置魏州隋開皇六年復置元城

縣大業初以貴鄉為武陽郡治唐初復于貴鄉置魏州貞觀十七年又併元城入貴鄉聖歷二年又

置屬魏州開元十三年移入州郭與貴鄉皆為州治五代唐改元城曰興唐晉復曰元城又改貴鄉

曰廣晉漢乾祐初改唐晉曰大名宋金因之元至元二年併元城入大名尋復置為大名路治明為

大名府治大名縣附郭東西距六十七里南北距本朝因之

西至廣平府成安縣界六十五里南至南樂縣界二十里北至元城縣界五里東南至清豐縣界二

十里西南至河南彰德府內黃縣界七十里東北至元城縣界二里西北至廣平府廣平縣界四十

五里本漢元城縣地東魏以後為元城貴鄉二縣地五代晉改資鄉為廣晉後漢乾祐初改為大名

鎮明洪武三十一年復置于府郭永樂九年移治南樂

隆治屬大名府本朝乾南樂縣在府東南五十

五里南北距三十五里東至朝城縣界四十里西

至大名縣界三十五里南至清豐縣界十五里北

縣治一百里西北至元城縣治五十里漢置樂昌

昌樂縣永安初置昌樂郡東魏天平中郡廢縣屬

魏郡隋開皇六年析置繁水縣大業初省昌樂入

繁水屬武陽郡唐武德五年復置昌樂縣屬魏州

貞觀十八年省繁水入焉五代唐改曰南樂宋初

屬大名府崇寧四年改屬開德府全還屬大清豐  
名府元屬大名路明屬大名府本朝因之

縣在府南九十里東西距六十二里南北距六十里  
東至曹州府觀城縣界三十七里西至彰德府

內黃縣界二十五里南至開州界三十五里北至  
南樂縣界二十五里東南至曹州府濮州治六十

里西南至開州治四十五里東北至南樂縣治四  
十里西北至大名縣界二十里漢置頓邱縣屬東

郡後漢建安十七年割屬魏郡晉泰始二年于縣  
置頓邱郡後魏因之北齊郡縣俱廢隋開皇六年

復置頓邱縣屬武陽郡唐初屬魏州武德四年于  
縣置澶州貞觀元年州廢還屬魏州大曆七年復

置澶州又析置清豐縣屬之五代晉天福三年州  
徙德勝寨縣隨州徙廢舊州為頓邱鎮四年改鎮

置德清軍宋慶歷四年徙清豐縣治德清軍熙寧  
六年省頓邱入清豐屬開德府金屬開州元仍舊

明初改屬大名東明縣在府南二百二十里東西  
府本朝因之距六十里南北距八十五

里東至曹州府界三十里西至長垣縣界三十里  
南至河南開封府儀封縣界六十里北至開州界

二十五里東南至曹州府定陶縣治一百里西南  
至長垣縣治七十里東北至曹州府濮州治一百

五十里西北至河南衛輝府滑縣界五十里漢置  
離狐縣屬東郡後漢建初四年改屬濟陰郡晉魏

因之隋仍屬東郡唐屬曹州天寶元年改曰南華  
五代宋因之金初為河所圯省入寃句尋移東明

縣來治仍屬曹州元太宗七年改屬大名路至元  
二年改屬開州明洪武初省入長垣弘治四年復

置屬大名府萬曆中曹屬開州在府南一百二十  
開州本朝仍屬大名府里東西距一百二十

十五里南北距一百里東至曹州府濮州界五十  
五里西至衛輝府滑縣界七十里南至東明縣界

六十五里北至清豐縣界三十五里東南至東明縣治九十里西南至衛輝府濟縣治九十里東北至清豐縣治四十五里西北至彰德府內黃縣界十五里古顛項之墟夏時為昆吾國春秋曰帝邱為衛國都戰國曰濮陽仍為衛都秦始皇五年置東郡漢以濮陽縣為東郡治後漢因之晉咸寧三年改置濮陽國仍治濮陽縣東晉後郡治移郵城以濮陽為屬縣後魏因之隋屬東郡唐屬濮州五代晉天福三年改置澶州四年移濮陽縣入州治開運元年并為晉寧軍節度宋曰澶州澶淵郡鎮寧軍節度崇寧四年建為北輔五年升為開德府宣和二年罷輔郡屬河北東路金仍曰澶州皇統四年改曰開州屬大名府路元因之明洪武初以州治濮陽縣省入仍屬大名府本朝因之長

垣縣 在府西南二百五十里東西距七十里南北距六十五里東至東明縣界四十里西至衛

揮府滑縣界三十里南至開封府蘭陽縣界四十里北至滑縣界二十五里東南至開封府儀封縣

治一百里西南至開封府封丘縣界三十里東北至東明縣界七十里西北至滑縣治九十里春秋

衛地戰國魏首垣邑漢置長垣縣屬陳留郡後漢為長垣侯國晉復為縣屬陳留國後魏太平真君

八年併入外黃景明五年復置屬東郡隋開皇十六年改曰匡城仍屬東郡唐屬滑州五代梁復曰

長垣屬開封府後唐復曰匡城宋建隆元年避諱改曰鶴邱尋復曰長垣仍屬開封府全泰和八年

以限河不便改屬開州元初屬大名路至元二年仍屬開州明因之本朝屬大名府

形勢屹屹魏土山河之固宋荆攸真壘如巨防扼為要

津宋江休復九河綿絡之奧區宋黃庭堅南距衛

縣宋江休復

復九河綿絡之奧區

宋黃庭堅

南距衛



北負漳為險

舊府志

風俗俗近梁魯微重而矜節

史記傳

剛武尚氣力

漢書

地理志

人人知本農桑勸學校

宋晁元咎澧洲登科記

俗尚義

概有古推遜之風

澧洲舊志

先人後己務崇禮讓

元志

城池大名府城

周八里有奇門四外有濠廣七大五尺明建文三年築嘉靖四十年甃甃

本朝康熙中兩修南樂縣城

周六里有奇門四濠廣一大元末蔡明嘉靖三十四年甃甃

本朝康熙二年重修

清豐縣城

周五里有奇門四濠廣三文明成化初築崇禎十二

年甃甃  
本朝康熙十三年重修

東明縣城

周七里奇門四濠廣六文明弘治四年

築崇禎十二年焚燬開州城舊土城周二十四里門四濶廣一丈宋時

本朝康熙九年重修舊址明弘治以來相繼修築長垣縣城周四丈六尺明正統十四

年築崇禎十年焚燬本朝康熙中兩修雍正元年築護城堤

### 學校大名府學

在府治東南明永樂元元城縣學在

治西北明永樂元年大名縣學在縣治西南明

朝乾隆二十三年縣移附府城學署南樂縣學在

治東南明洪武三年清豐縣學在縣治北明洪武

二十東明縣學在縣治東南明弘治中開州學在

城東門內元大德間建  
入學額數二十三名  
長垣縣學  
在縣治西明洪武元年建入學

額數二十三名以上  
本朝俱屢修  
天雄書院  
在府治康熙十年知府周邦彬建乾

隆二十三年大名縣移治郡城以書院改為縣署  
知府朱熒以舊通判署移建書院仍名天雄又南

樂縣治有樂陽書院乾隆二十三年建東明縣治有扶義  
有廣陽書院乾隆二十三年建東明縣治有扶義

書院明隆慶中建  
本朝順治八年圯于水乾隆二十九年重建其餘各州縣鄉社俱有義學又按

府治西南舊有元城書院明正德中建祀宋劉安  
世開州舊有明道書院明嘉靖中建祀程子長垣

縣舊有寡過書院  
本朝康熙五十九年建附記于此

戶口

原額人丁四十一萬四千八百八十三  
又滋生丁一萬六千七百三十三

田賦

田地六萬五千八百八十頃七十四畝二分零額征地丁銀三十三萬一千七十九兩八錢七分

分零粟四十二石一斗二升七分合麥四十二石一斗二升七分

山川沙麓山

在元城縣東舊作沙鹿春秋時晉沙鹿崩公羊傳沙鹿者何河上之邑也穀梁

傳林屬于山為鹿沙山名也漢書元后傳王翁孺既徙魏郡元城委粟里元城建公曰昔春秋沙鹿

崩晉史卜之曰後六百四十五年宜有聖女與其齋田乎今翁孺徙正值其地日月當之元城郭東

有五鹿之墟即沙鹿地也後八十年當有賣女與焉後元后歷漢四世為天下母郡道元水經注

周穆王喪威姬東征舍于五鹿其女叔姪屈此思哭是曰女姪之卯為沙鹿之異名也元和郡縣志

沙鹿在縣東十二里明統志  
沙麓山在府城東四十五里  
愜山在大名縣北元和郡縣志賁鄉

縣古名恆山在縣西九里漢成帝時河決金堤河堤使者王延世募人運土塞河之處以其恆

當人情故謂之恆山明統志恆山在大名方山在

樂縣北七里舊有二土山並峙其形正方宋嘉祐以後大河經縣境蕩決不時遂為平陸其地名方

山村秋山在清豐縣西北三十五里今無攷頓金山在

州治東迤北宋建炎間楊棟守開德金師來攻棟與弟彭年力戰死之人為瘞骨立塚如山因以決

名又有雞鳴山在州城內蓮花沼後洪洋山在開州東南五里土岡

橋即澶水所經又樂史太平寰宇記有衛陽山在濮陽縣東南二十里居衛之陽又鮒鰓山在頓邱

縣西北三十里今名廣陽山山海經云顛頊莖其陽九嬪莖其陰今皆不知所在按鮒鰓山海經作

欽定四庫全書

卷二十一

務隅又龍光山

在東明縣東南三十里以雲氣如龍而名歲旱禱雨有應白雲

山

在東明縣東北二十里郊原平衍土山突起相傳張良辟穀于此其里曰白雲里相近又有懷

村五霸岡

在東明縣東南五十里相傳春秋時會盟處亦名霸王岡黃陵岡在

明縣東南八十里接山東曹縣界元時賈魯治河始此詳見曹縣

大岡

在長垣縣東五十里

雄堦環抱

形勢屹然荆岡 在長垣縣東南四十里荆岡集岡頂當集之中岡畔有琉璃井青

岡

在長垣縣西二十里平地突起土皆青色故名岡頂有寺下有白蓮池

學堂岡

在

坦縣北十里平廣突几近岡土皆赤色相傳孔子嘗過此講學今有廟明天順中建其前又有小岡

形勢連亘又全哀宗興定二年濟河至蒲城次漚麻岡應在今縣界古黃河有三道

南滑縣流入經開州西北又東北又東北經涓豐縣南又東北經南樂縣西北又東北經元城縣東又東北入山東館陶縣界此西漢以前黃河經行之故道也漢書武帝記元光三年春河水徙從頓卯東南流入勃海夏河水決濮陽汜郡十六發卒十萬救決河溝洫志河至大任禹醜二渠以引其河北戴之高地過降水元光中河決瓠子後二十餘歲乃塞之道河北行二渠復禹舊跡孟康曰二渠其一出貝邱西南南折者也其一則漯川河自王莽時遂空惟用漯耳水經注河水自涼城又東北為長壽津故瀆出焉一則漯川今河所流一則北瀆王莽時空故俗名是瀆為王莽河東北逕戚城西又逕繁陽縣故城東又北逕陰安縣故城西又東北逕昌樂縣故城東又東北逕平邑郭西又東北逕元城縣故城西北而至沙卯城自隄南分北氏河出焉元和郡縣志王莽河西去昌樂縣十六里去

貴鄉縣三里太平寨宇記王莽河在頓卽縣北十里接清豐入南樂縣界又在德清軍城西南五里一自滑縣流入經開州西南又東北經清豐縣南又東北入山東觀城縣界北東漢以後及唐時故道其自開州又東北出逕大名元城之東者宋時止流故道也柔飲水經河水東逕鐵卽南東北流逕潞陽縣北為濮陽津又東北逕衛國縣南元和郡縣志黃河南去臨河縣五里北去濮陽縣十五里又在頓卽縣南三十五里清豐縣南五十里宋史河渠志澶州有濮陽大韓大吳商胡王楚橫隴曹村依仁大北岡孫陳固明公王八凡十三埽大名府有孫村侯村二埽景德元年河決橫隴埽慶曆八年決商胡埽皇祐元年合永濟渠注乾寧軍是謂北流嘉祐元年塞商胡北流入六塔河河不能容是夕復決五年河流派列于魏之第六埽曰二股河自魏思東至德滄入海是為東流熙寧二



年開修二股河東流閉北流十年大決于曹村澧  
淵北流斷絕河道南徙東滙于梁山張澤灤分爲  
二派一合南清河入淮一合北清河入海元豐元  
年決口塞河復歸北四年小吳埽復大決自澶注  
入御河八年河流離北而孫村低下深水往往東  
出于是回河東流之議起元祐元年十一月張問  
請于南樂大名埽開直河片簽河分引水勢入孫  
村口于是減水河之議復起四年詔罷回河及修  
減水河元符二年河決內黃口東流遂絕舊志奎  
時河徙而南北流亦絕諸口皆為平陸今開州境  
內有高胡埽在州東北三十里六塔河在州東北  
十七里自高胡東南通橫隴之支渠也孫村埽在  
州東北三十四里橫隴埽在州東一自河南封邱  
縣流入經長垣縣南又東經東明縣南又東入山  
東曹州府界北築南渡以後黃河改流之故道也  
明統志長垣縣南六十里及廢東明縣南五十里

皆有黃河故道正統十三年河決陽武循故道至開州南百二十里東抵濮州張秋其流奮激聲聞數十里俗名響子口舊志正統十四年河決長垣朱家口弘治二年又決封邱荊隆口漫入長垣東明嘉靖十五年河南徙杜勝集萬曆十五年又決荊隆口由長垣毛家潭直薄東明本朝順治七年又決荊隆口循響子口故道入洪河委折東北凡二十餘里下通張秋今有淘北河一作淘背河在長垣縣南三十里東流至紙坊集入河又有白家河在縣東南三十里自毛家潭東經盛橋入河又有枯河在東明縣南六十里皆黃河舊流也朱家口在長垣縣東南七十里響子口在東明縣西南二里

**衛河** 自河南內黃縣流入經大名縣南又東十里北經元城縣東又東北入山東館陶縣界即古白溝水亦名永濟渠亦名御河水經注白溝自內黃北逕高城亭東洹水注之又北逕閭亭

東即魏界也左與新河合又東北逕銅馬城西又  
東北逕羅勒城東漳水注之謂之利溝口又東北  
逕趙城西又北阿難河出焉又東北逕空陵城西  
又北逕橋亭城西東去館陶縣故城十五里元和  
郡縣志永濟渠西去洹水縣二里唐書地理志貴  
鄉縣有西渠開元二十八年刺史盧暉徙永濟渠  
自石灰窠引流至城西注魏橋以通江淮之貨太  
平寰宇記魏縣白溝水接館陶縣界南自洹水縣  
界流入元史河渠志御河自魏縣界經元城縣泉  
源鄉于村渡南北約十里東北流至包家渡下接  
館陶縣界三口舊志元時衛河猶在府北明正德  
中始出府南經艾家口又東北經小灘鎮入館陶  
縣界嘉靖三十六年漳水自魏縣南迴龍鎮決入  
衛河遂捨艾家口改經大名縣南東北流至小灘  
鎮西南岔道村始入衛河萬曆十六年漳水還北  
流衛河故道遂為漳水所奪今衛河現由之道與

河南內黃縣接界之張二莊為大名縣屬至山東館陶縣接界之王家莊為元城縣屬皆歲有修濬

**漳河** 有新舊二河俱自河南臨漳縣流入經大名元城二縣界又東北入山東館陶縣界元和

那縣志魏縣舊漳河在縣西北十里新漳河在縣西北二十里明統志舊漳新漳二河俱在魏縣西

北流至府城西宋時嘗引注雕馬河入府城灌御河又從西北陡門出灌流沙河復入漳河漕運舊

志明初漳水自河南臨漳縣東流折北經魏縣南關又東北歷府城西北二十里西店集東注館陶合

衡水所謂舊漳河也正德初徙從府西南閻家渡入衛又十餘年自魏縣東南雙井入衛皆由府南

艾家口東北流經小灘鎮入館陶界嘉靖三十六年復自魏縣西南迴龍鎮入衛萬曆十六年始還

北流今經魏縣南十八里又東入府界亦曰新漳河即衛河故道也今之新漳非元和郡縣志之新

漳矣 按通志今新漳河北徙自廣平縣流經魏縣東北至府北界又東抵館陶入衛舊志所謂新漳河由魏縣南者今又為舊漳矣又按魏縣之分入元城大名者由漳河決溢之故今豫省之臨漳為上游大名縣境內之龐家村為支流皆大名上衝乾隆二十四年直隸總督方觀承奏准建壩以固隄防而舊縣之衛河隄亦重加修葺元城之西店集堤長垣之太行堤自乾隆五年以來並歲如增築又于長垣之甄家店堤南開新引河一道自堤西村起至紙坊村入舊引河止長二千七百五十五丈于是民有莫居田疇亦享其利乾隆十五年皇上巡幸嵩洛鑾輿過此有詩

硝河

源出河南濟縣自滑縣分為二一東流入開州西為馬頰河又東北經戚城北又東匯為

趙村陂至白倉北會傅家河又北經清豐縣西又北經南樂縣西至縣北為岳儒固河又北入大名

縣達元城縣東城循下流入山東朝城等縣一由河南內黃縣東北入大名縣南界又東北注于縣

東三角潭分十之三自飲牛口注衛十之七自梅冢口注衛水滌則由石村分注開州北火燒店經

清豐縣西秦村而北注岳儒固河或由內黃而東經南樂縣西亦會于岳儒固河其水瀉滷下墊凡

所經流率至數歲不復芻收 沙河 在元城縣東大河支流也宋史河渠志元祐四年李偉開

北京南沙河直堤第三鋪放水入孫村口明統志沙河舊自府城西南引潭河入城灌御河復西北

出城灌流沙河南北約長二十里東西闊二里其河常不定形勢如山相近沙麓舊志此河今堙

按今大名府屬之沙河自河南封邱縣界穿太行堤經龍相入東明縣之李連莊長七十里又一支

自龍相迤北分流下入李連莊長洪河 在東明縣三十里新舊引河之水皆注沙河

許自河南滑縣流入徑縣界洪門村雲臺口又  
徑南閩東閩又東北會濮水入山東濮州界 濮

河自河南封邱縣流入經長垣縣北又東經東明  
縣南又東經開州東南合洪河入山東濮州界

俗訛為普河水經注濮河故瀆自濟東北流左迤  
為高梁陂方三里又東逕匡城北又東北左會別

濮水又東北與酸水故瀆會又東逕蒲城北又東  
逕韋城南又東逕長垣縣故城北又東分為二瀆

北濮出焉濮渠又東逕須城北又北逕襄邱亭南  
又東逕濮陽縣故城南又東逕離狐縣故城南又

東逕茂密縣故城北又東北逕鹿城南又東與句  
瀆會與濟同入鉅野元和郡縣志濮水在南華縣

南五里太平寰宇記南華縣濮水西自滑州韋城  
縣界入東氏縣界明統志濮水在開州東南六十

里舊志今有五里河在長垣縣北乃河南黑陽山  
諸水下流自滑縣流入西南抵小務口又東南流

入河又有遼家河在縣東北三里自小務口東流入東明縣河為縣巨浸蓋皆濶渠合餘流也其東

明縣者俗又訛為普河自縣南三十五里表長官營東北流經縣東南八里表換營又東北經任二

營趙官營又東豬龍河一名朱龍河在清豐縣東北入于洪河

村迺縣城北啞以堤口東逕南樂縣之韓家集入山東曹州府觀城縣界觀城之龍窠河水注之豬

龍蓋唐滋沙三水之下流也方輿路程考以豬龍為即龍窠曹學佺名勝志遂以為源出冠縣均誤

漆河

在東明縣北門外源自河南黑陽山東流逕縣西漆堤北又東逕縣北關外又東合于洪河

漆堤在縣西十二里賈魯河在東明縣東南元史居民築之以障漆水

決白茅堤又決金堤水勢北侵安山沿入會通運河督漕運使賈魯議挽河東行以復故道丞相脫



脫離其策十一月工畢河復故道南漚于淮東入于海

其濬故道通長二百八十里有奇始自白茅長百八十二里繼自黃陵岡至南白茅關生地十里南

白茅至劇莊村接入故道十里縣志  
濬河 在東明縣南五

十里西南自故黃河來折而東北  
屯氏河故瀆 在

城縣東北漢書溝洫志自塞宣防後河復北決于  
館陶分為屯氏河東北經魏郡清河信都勃海入

海廣深與大河等水經大河故瀆自沙邱堰南分  
屯氏河出馬運館陶縣東 按舊志謂在大名縣

東南  
瓠子河故瀆 在開州南史記河渠書元光中  
誤 河決于瓠子東南注鉅野通于

淮泗使汲黯鄭當時與人徒塞之數復壞後二十  
餘歲使汲仁郭昌發卒數萬人塞瓠子決天子自

臨決河沈白馬玉璧于河令官從自將軍以下皆負薪寘決河卒塞瓠子蘇林曰瓠子河在郟城以南南濮陽以北廣百步深五尺許水經瓠子河出東郡濮陽縣北注縣北十里即瓠子河口也漢元封二年塞瓠子口築宮于其上名曰宣房宮故亦謂瓠子堰為宣房堰平帝以後未及修理永平十二年顯宗詔王景治渠築堤瓠子之水絕而不通惟溝瀆存焉河水舊東流逕濮陽城東北又東逕桃城南又東南逕清邱北又東至句陽太平寰宇記瓠子口在濮陽縣西南十七里河津明統志在開州西南二

洹水

在大名縣西自河南臨漳縣流入古洹水支流也水經注洹水枝津

謂之新河東逕鸛鵲陂北與台陂水合注白溝河元和郡縣志洹水縣洹水西自堯城縣流入舊志

今併入澶水在開州西南大河分流也一名繫水漳河一名洹水春秋襄公二十年盟于澶

淵在頓邱縣南今名繁河水經注浮水故濟上承大河于頓邱縣而北出東逕繁陽故城南張晏曰

縣有繁淵春秋盟于澶淵即繁淵也亦謂之浮水又東絕大河故瀆入東逕五鹿之野又東逕衛國

縣入東武陽縣入河太平寰宇記澶淵在臨河縣東南十七里穆州東北八十里又闕駟十三州志

云澶水在頓邱西南三十里伏流至繁城西南明統志繁水在南樂縣西北三十五里舊志澶州破

在開州西南其水由州南界東北經城東二十里曰清河頭十之七分注于霸家河又東逕濮州入

張秋河十之三分注于清豐縣東南界孫固城北滙為朱龍河又西受硝河之水流經縣北邵家灣

英滿城又北入南樂縣界經縣東南四十里又東入山東觀城縣界蓋即古繁水故瀆也古濟

水在東明長垣二縣南北濟也水經濟瀆東過平邱縣南又東過濟陽縣北又東北逕宛句縣故

城北又東北與濮水合注濟瀆自武父城北東逕濟陽縣故城北又東北逕煮棗城南又東北逕呂

都縣故城南又東北逕定陶縣故城北胡柳陂在開州東南五十里接山東濮州界五代

梁貞明四年晉王與梁軍大戰處詳見濮州張家潭在大名縣東二里魚藻繁衍冬夏不

涸舊時衛河水自東南決多由北溢入縣城三角潭在大名府東十五里方塘百畝歲久

不涸或以為龍湫也建龍王祠于其上禱雨輒應白水潭在大名縣西五里林樹交蔭菱

苻縱橫為傅家潭在南樂縣西北四里今涸黃龍潭在清近郊勝地

東南三十五里斷堤余家潭在東明縣東十里北之間約二十餘頃

去一黑龍潭在開州西南瓠子河口大旱不竭俗稱龍湫又有蓮花潭在黑龍潭南三里許

里方五六頃每秋水  
泛溢則二潭相通  
閻家潭 在長垣縣東南六十

河水決入縣境曰流  
環之潭西七里曰牛  
口東三里曰大岡皆  
築堤

以防決  
溢處  
西湖 在開州西南舊時  
積而成湖周數百畝  
後涸  
蓮花池

有四一在大名故城  
東二十里一在南樂  
縣西北三十里舊為

築水所溢今皆湮一  
在開州儒學後水澄  
潔可鑿後壅明天順  
間知縣李迪重濬  
鳳溝 在

垣縣西  
四十里飲牛口 在元城縣  
東十里地勢窪下每  
秋

祖明嘉靖二十  
四年開為官渠  
艾家口 在元城縣南接大名縣界  
舊時衛河所經也明初置

水驛于  
此後廢  
寒泉 在開州南許衛風爰有寒泉在浚之  
下水經注浚城側有寒泉周世謂之

高平渠非也杜佑通典  
寒泉在潞陽縣東南  
御井在開州治南泉極甘  
泲宋真宗駐蹕時所鑿

### 古蹟魏州故城

在今府東魏始置貴鄉縣唐時貴鄉元城二縣皆治此舊唐書地理志

魏州漢元城縣地後魏天平二年分館陶西界于今州東北三十里古趙城置貴鄉縣北周建德七

年以趙城早濕西南移三十里就孔思集寺為縣解大象二年于縣置魏州武德八年移縣入羅城

開元二十八年刺史盧暉移于羅城西百步大歷四年又移于河南岸元和郡縣志魏州城前燕慕容

容疇所築周宣帝于此置州理開元十三年又移元城縣于州東北三百步貴鄉管西界元城管東

界今為魏博節度理所太平寰宇記後唐同光元年升州為東京興唐府三年改為鄴都晉天福初

改為廣晉府又改貴鄉曰廣晉漢乾祐元年改為大名府大名縣宋史地理志慶曆二年建大名府

為北京宮城周二里一百九十步即真宗駐蹕行  
宮殿曰班瑞時巡靖方慶寧京城周四十八里二  
百六步門十七舊志宋熙寧六年省大名縣入元  
城後移南樂鎮自是元城獨為府治明洪武三十  
一年衛河泛溢城地因遷今治舊府城在今城東  
十里按魏地形志舊唐志皆云貴鄉縣天平二  
年置而元和郡縣志作孝文帝置太元城故城三  
平寰宇記作太和二十一年皆誤元城故城三  
皆在今元城縣東漢初置元城縣在汝麓旁應卽  
曰魏武侯公子元食邑于此故縣氏焉歷晉魏至  
北齊始廢隋開皇中復置唐又遷此舊唐書地理  
志隋元城縣治古殷城貞觀十七年併入貴鄉聖  
歷二年又分貴鄉莘縣置治王莽城開元十三年  
移治州郭下古殷城在朝城東北十二里舊志王  
莽城在舊州城東北二十餘里王莽河北岸亦謂  
之故元城五代梁貞明二年晉王自貝州還擊劉

邾追至故

### 馬陵故城

在元城縣東南春秋成公七年同盟于馬陵史記魏惠王

三十年齊孫臏擊魏大敗之馬陵殺其將龐涓隋書地理志元城縣開皇六年又置馬陵縣大業初

廢元和郡縣志馬陵在元城縣東南一里太平寰宇記在縣東南十里舊志在今縣東南五十里

### 魏縣故城

有三俱在大名縣西漢置魏縣應劭曰魏武侯別都也北齊省入昌樂隋開皇

六年復置元和郡縣志縣東至魏州四十里舊唐書地理志漢舊縣在今縣南天寶三年移于今所

明統志故魏縣城在府西三十五里今為舊縣店舊志故城在今縣東三十里俗名舊縣村宋熙寧

中移治洹水鎮明洪武三年復為漳河所衝舊始遷五姓店在府西北四十里本朝乾隆二十

三年縣廢洹水故城在大名縣西故魏縣西南三併入大名十里漢內黃縣地晉置長樂



縣屬魏郡後魏省考文復置長樂縣北齊省入臨漳北周建德六年又分臨漳東北界置洹水縣隋屬魏郡唐屬相州元和郡縣志縣西南至相州一百二十里天祐三年改屬魏州太平寰宇記縣在魏州西南九十三里宋史地理志熙寧六年省洹水縣為鎮入成安舊志故城在成安縣東南三十里後改屬魏漳陰故城在大名縣西北故魏縣西縣今入大名

漳陰故城 隋開皇十六年析魏縣置

漳陰縣屬魏州大業初省入唐武德四年復置貞觀元年仍省入

昌樂故城 在商

西北魏書地形志昌樂縣太和二十一年分魏置元和郡縣志縣北至魏州五十里本漢舊縣屬東郡後漢省後魏孝文帝于漢舊城置昌樂郡又昌樂縣周武德改屬魏郡隋屬魏州唐書地理志昌樂縣晉置屬陽平郡後魏置昌州今縣西古城是也隋廢昌樂縣入繁水武德五年復置隸魏州今

治所武德六年築明統志五代唐改昌樂為南樂  
名勝志昌樂故城在今治西北三十五里俗訛為  
昌意城謂黃帝子昌意所築按水經注以昌樂  
為即漢東郡屬縣元和郡縣志因之舊唐志又以  
為晉置而晉志不載各書參錯不一今考漢志本  
作樂昌名既不同且地在黃河西亦非東郡之界  
疑本魏縣地惟地形志足

### 平邑故城

在南樂縣東北本趙地史

據諸書之說恐皆有誤  
記趙獻侯十三年城平邑漢為元城縣地東魏天  
平二年分置平邑縣屬魏郡北齊廢隋開皇十六  
年復置大業初併入貴鄉蕭德言括地志平邑故  
城在昌樂縣東北四十里明統志在南樂縣東北  
七里唐馬燧嘗提兵至此今有浮屠  
舊志今為平邑村有馬燧營遺址  
繁水故城在南  
樂縣西北隋開皇六年方昌樂縣置大業初廢昌  
樂縣入之唐初屬魏州貞觀十八年省入昌樂縣

志故城在縣西  
頓邱故城  
在清豐縣西南春秋衛頓邱邑在今河南濬縣

界漢置頓邱縣于此屬東郡晉為頓邱治後魏因之北齊郡縣俱廢隋開皇六年復置頓邱唐時置

澶州治此元和郡縣志澶州北至魏州一百十里南至濮陽縣三十里太平寰宇記古頓邱縣在清

豐縣東南十五里本舊澶州理所晉天福三年隨州移于德勝寨于舊州置頓邱鎮四年改鎮為德

清軍開運二年又移軍于陸家店此城廢胡三省通鑑注九域志清豐縣有舊州鎮即頓邱城也明

統志頓邱故城在清陰安故城  
在清豐縣北漢置豐縣西南二十五里陰安故城  
縣屬魏郡元朔三

年封濟北貞王子不害為陰安侯五年又封衛不疑于此後漢永安五年為肅宗女吉食邑仍屬魏

郡晉屬頓邱郡後魏真君三年併入魏國太和十九年復置仍屬頓邱郡北齊首入頓邱縣舊唐書

地理志頓邱縣後移治于陰安城今縣北古陰清  
安城是也舊志陰安故城在清豐縣北二十里清

### 豐故城

在今清豐縣西元和郡縣志縣東至澶州  
十五里本漢內黃縣地大歷七年于清豐

店置因以為名舊唐書地理志清豐縣割頓邱昌  
樂二縣界四鄉置以縣界有孝子張清豐門闕魏

州田承嗣請為縣名太平寰宇記縣在澶州西北  
五十五里舊志按宋志慶隆四年徙清豐縣治德

清軍廢北城為鎮王存九城  
志清豐縣有清豐鎮印此 德清軍故城 在清豐  
縣西北

太平寰宇記晉天福四年改頓邱鎮為德清軍開  
運二年又移德清軍于陸家店在新澶州北七十

里南至舊澶州二十五里北至南樂縣二十五里  
西南至清豐縣三十里宋史地理志慶曆四年徙

清豐縣治德清軍即縣置軍使隸澶州舊志德清  
城在今縣西北三十里 按清豐縣自慶曆中移

治德清城其後以水患又遷今治今不可考明統志清豐故城在今縣西北十八里宋時因水故遷

今縣蓋即德清城也明志不知宋慶曆中移清豐治德清城乃謂徙德清軍治清豐又別載德清城

在開州北七十里皆混 **濮陽故城** 在開州西南漢縣本古

一年衛遷于帝邱左傳昭公十七年梓慎曰衛顛項之虛也故為帝邱史記衛嗣君五年獨有濮陽

元君十四年秦徙野王縣而併濮陽為東郡漢書地理志東郡治濮陽縣衛成公自楚邱徙此故帝

邱顛項虛元和郡縣志濮陽縣東至濮州八十里本漢舊縣隋開皇十六年改屬濮州太平寰宇記

晉天福四年詔移濮陽縣于澶州之南郭為理所胡三省通鑑注五代以前濮陽在河南宋澶州治

之濮陽晉天福四年移就澶州南郭者也舊志故城在開州西南二十里按明統志又有帝邱城

在滑縣東北七十里土山村即衛成公所遷益即濮陽城境相接也

### 德勝故城

在

州有南北二城今州治即北城也其地本名德勝渡為河津之要五代梁貞明五年晉將符存審于

德勝渡南北築兩城守之謂之夾寨梁賀瓌攻德勝南城不克晉王尋自魏州發徒數萬廣德勝北

城自後梁晉相爭于此小大凡百餘戰石晉時慮遼兵為患遂移澶州跨德勝津併頓卯徙焉太平

寔守記晉天福三年自舊澶州移于夾河造舟為梁頓卯縣亦隨州移理四年又移濮陽縣于州之

南郭漢乾祐元年移州就德勝寨故基周世宗又移今理明統志德勝寨在開州南三里漢乾祐初

自夾河移澶州于此周世宗又遷于夾河與德勝寨南北相直故居人有南澶州北澶州之目宋初

州治頓卯縣而濮陽縣在州東門外景德初遼兵入犯寇準勸帝親征駕至澶州南城駐蹕準固請

渡河御北城門樓蓋是時州治南城也熙寧十年南城圮于水移治北城惟以濮陽縣為治明初始

首入

### 昆吾故城

在開州東詩商頌韋顧既伐昆吾夏桀國語昆吾為夏伯左傳

哀公十七年衛侯夢于北宮見人登昆吾之觀杜預注衛有觀在古昆吾氏之虛今濮陽城中漢書

地理志濮陽本顓頊之虛夏后之世昆吾氏居之隋書地理志濮陽開皇十六年分置昆吾縣大業

初入焉舊唐書地理志武德四年分濮陽置昆吾縣八年併入濮陽括地志昆吾故城在濮陽縣西

三十里昆吾臺在縣西百步太平寰宇記顓頊城在臨河縣東北三里隋于城內置昆吾縣昆吾臺

在城中臺臨河故城在開州西漢蔡陽縣地後魏高二丈永安元年分置東蔡縣屬蔡

陽郡北齊廢隋開皇六年置臨河縣屬汲郡唐武德初屬蔡州貞觀十七年州廢屬相州元和郡縣

志臨河縣西北至相州一百二十里其城本春秋時衛築新城也太平寰宇記縣在澶州東六十五

里魏東黎縣也隋置臨河縣南臨黃河為名唐天祐三年屬魏州晉天福九年隸澶州馬端臨文獻

通考紹興間臨河縣為黃河水滄廢明統志廢臨河縣在開州西六十里按府志在內黃縣南三

十里滑縣志又謂在縣之澶水故城在開州西二北六十里蓋境相接也

內黃頓邱三縣地隋開皇十六年置澶淵縣以南臨澶淵為名屬汲郡唐初避諱改曰澶水屬黎州

武德四年屬澶州貞觀元年澶州廢還屬黎州十七年省入臨河太平寰宇記廢澶淵縣在臨河縣

東四離狐故城在東明縣東南元和郡縣志南華十里離狐故城縣東南至漕州一百二十里本漢

離狐縣屬東郡舊傳初置縣在澶水南嘗為神狐所穿穴遂移城澶水北故曰離狐後漢屬濟陰郡



魏志李興從太祖遷離狐太守然則魏時為離狐郡也晉屬濟陰郡開皇三年罷郡縣屬曹州天寶

元年改曰南華太平寰宇記離狐故城在今縣西北三十三里後改移今地通考南華縣金時為黃

河滄廢舊志故城在東明縣東北十里西臺集又曰在曹州西四十里李二莊蓋境相接也又山東

單縣有離狐城乃東明故城凡有三其一在河南劉宋僑置非故縣東明故城蘭陽縣界即故陽武

戶牖鄉漢置曰東昏縣王莽改曰東明晉省宋復置東明縣其二在今東明縣界金時東明以河患

徙河北寬甸故地今日南東明集在縣南三十里明洪武初徙治雲臺集尋廢今日西東明集在縣

西十五里弘治四年復置縣于大單集即今治也按舊志概以陽武戶牖漢宋東昏東明事混入

今縣皆誤長垣故城在今長垣縣東北漢置縣本魏

王曰進齊宋之兵至首垣遠薄梁郭史託趙肅侯  
七年公子刻攻魏首垣水經注長垣故首垣秦更  
從今名圖稱陳留風俗傳曰縣有防垣故縣氏之  
孝安帝以建光元年封宋後為侯國隋時移治故  
匡城北改名曰匡城又分韋城置長垣縣大業初  
仍省入韋城唐武德初又分匡城置長垣縣屬滑  
州八年又省入匡城括地志長垣故城在匡城縣  
東北二十七里宋初改匡城為長垣縣金初遷縣  
于柳家村明洪武元年以水患又遷于蒲城即今  
縣也縣志舊長垣集即柳家在縣東北四十里地  
名鮑垆今有廢城寬壑深濶猶然險固按明統  
志秦長垣縣城在今縣西南三十五里誤參考括  
地志太平寰宇記當故匡城在長垣縣西南春  
在今縣東北十餘里秋信公十有五年  
盟于杜邱遂次于匡杜預注匡衛地在長垣縣西  
南論語子畏于匡後漢書郡國志長垣有匡城又

平邱有匡亭戴氏北征記匡城周三里元和郡縣志匡城縣西北至滑州一百里隋開皇十六年于

北置匡城縣屬滑州故匡城在縣西南十里太平寰宇記隋于婦姑城置匡城縣謂縣南有古匡城為名朱梁割屬開封宋初改為長垣縣在開封府東北一百里縣志今縣西南有司家坡即古匡城

也  
**故蒲城**

今長垣縣治春秋桓公三年齊侯衛侯昏命于蒲杜預注蒲衛地在長垣縣西

南家語子路治蒲三年孔子過之三稱其善括地志故蒲城在匡城縣北十五里太平寰宇記在長

垣縣東北十里舊志明洪武初遷縣于此

**平邱故城**

在長垣縣西南本衛邑春秋昭

公十三年會于平邱而此漢置平邱縣屬陳留郡後漢因之晉省杜預左傳注平邱在長垣縣西南

魏書地形志長垣有平邱城太平寰宇記平邱城在陳留縣北九十里縣志在今縣西南五十里

長羅故城

在長垣縣北漢宣帝本始四年封常  
惠為侯國屬陳留郡後漢建武五年封

樊宏長羅侯十五年徙廢水經注圍稱曰長垣縣  
有羅亭故長羅縣也後漢省併長垣有長羅澤又  
有長羅岡太平寰宇記長羅縣城在長垣縣東北  
四十里明統志長羅城在舊長垣縣西南三十里

南樂故鎮

在大名縣南舊為縣治本漢樂昌縣地  
東魏于今府東置責鄉縣唐為魏州治

五代漢改曰大名宋熙寧六年省入元城紹聖二  
年復置政和六年移治南樂鎮金仍徙縣入府郭  
南樂仍為鎮屬南樂縣元至元九年復為縣治今  
仍附府郭此廢按名勝志縣故城距今治十三

里有臺曰惠王臺魏王所築今不  
知所在疑指唐時貴鄉故治也  
五鹿城 有二一  
在元城

縣東一在開州南左傳僖公二十二年晉公子重  
耳過衛出于五鹿乞食于野人杜預注五鹿衛地

今衛縣西北有地名五鹿元城縣東亦有五鹿水經浮水故瀆東經五鹿之野注晉文公受塊于野

人即此處也京相璠曰今衛國縣西北三十里有五鹿地今屬頓邱縣元和郡縣志五鹿墟在元城

縣東十二里太平寰宇記濮陽縣五鹿城在縣南三十里陽狐城在元城縣東

公四十四年田莊子伐晉圍陽狐括地志陽狐城在元城縣東北三十二里幾城在元

東南史記趙惠大王二十三年樓昌將攻魏幾不能取十二月燕頗將攻幾取之括地志幾城在元

城縣南空陵城在元城縣東北魏書地魏武侯城在

城縣南十里相傳魏武侯昌城在南樂縣南晉永

所置舊有壇亦曰武侯壇昌城和六年趙將張賀

意所築朝城

在南樂縣東二十五里近山東朝城  
即此 縣界唐置朝城縣以此為名今名韓

張觀澤城

在清豐縣東史記趙武靈王九年齊敗  
我觀澤括地志觀澤故城在頓邱縣東

十八

衛城

在清豐縣東南四十里相傳衛靈公所  
都又有甬城在縣東北春秋僖公元年

齊師次于甬北或以為即此城之北又有瓦屋頭  
集在縣東三十五里或謂春秋隱公八年宋齊衛

盟于瓦屋即此孫固城在清豐縣東南十五里周五里宋  
時大河經流處即所謂孫村也又

六塔集在縣東南三十里亦即六塔河之故渠也

浚城

在開州南詩鄭風  
在浚之城水經注

澗水枝津東運浚城南北去澗陽三十五里

干城

在開州北詩邶風出  
宿于干後漢書郡國

志衛國縣有竿城水經注云河之西岸有竿城蓋  
即干城之訛也今州北有干城村又清豐縣志在

縣西北 鹹城 在開州東南六十里春秋僖公十有  
三十里 鹹城 三年會于鹹杜預注鹹衛地濮陽縣

東南有 戚城 在開州北春秋文公元年公孫敖會  
鹹城 晉侯于戚杜預注戚衛邑在頓邱縣

西水經注戚衛之河上邑漢高帝十二年封將軍  
李必為侯國括地志故戚城在澶水縣東三十里

太平寰宇記在澶州北十里明統志在開州  
北七里又清豐縣志戚城在縣南三十五里 懿城

在開州西北左傳襄公二十六年晉討衛疆戚田  
取衛西鄙懿氏六十以與孫氏杜預注戚城西北

五十里有懿城 訾婁城 在長垣縣西左傳僖公十  
因姓以名城也 訾婁城 八年衛侯師于訾婁元和

郡縣志訾婁城在匡城縣西北十八里 拱  
滑縣志謂在縣西南六十里蓋境相接也 龍城

在長垣縣南魏書地形志長垣有龍城太平寰宇  
記龍城在縣東南二十里昔夏臣龍逄所居用以為

名縣志今名龍相村在長垣縣南十里婦姑城故墟猶存舊有婦姑廟今移南

闕廂或云莊姜死祭城在長垣縣東北後漢書郡國志長垣有祭城杜預左

傳注長垣縣東北有祭城縣志今縣東北有祭城按杜注以此城為鄭祭封人邑今考此乃衛

地不應為鶴城在長垣縣西南十五里俗傳衛懿公

鄭臣采邑在長垣縣西南十五里俗傳衛懿公養鶴于此在開州西詩衛風旄邱之葛兮太

城因名旄邱在開州西詩衛風旄邱之葛兮太按爾雅前鐵邱在開州北春秋哀公二年晉趙

高為旄邱在開州北春秋哀公二年晉趙納衛太子于戚與鄭戰衛太子登鐵上望見鄭師衆自投車下杜預注鐵邱名在戚城南五代史晉

開運二年閔馬于鐵邱太平寰宇記鐵邱在頓邱縣西北五里又縣北十里有蒯躄臺按元和郡



縣志謂鐵卯在衛  
縣東南十里誤  
清卯 在開州東南七十里春秋  
宣公十二年同盟于清卯

杜預注清卯衛地在今濮陽縣東南水經注瓠瀆  
又東南逕清卯北京相瑤曰在濮陽縣東南三十

里魏都尉治元和郡縣志在臨濮縣西三十五里  
通鑑後唐同光元年李紹興敗梁游兵于清卯驛

瑕卯 在開州東南十八里義井里禮記檀弓公叔  
文子升瑕卯遽伯玉從文子曰樂哉斯卯也

太平寰宇記殺卯在濮陽縣東南三十里高三丈  
又有延卯在縣東南四十里延陵季子適衛憇此

舊志瑕卯在州東南十八里  
里延卯在州東南丈岡里  
沙亭 在元城縣東南春  
秋定公七年齊侯

衛侯盟于沙左傳作盟于瑣杜預注元城縣東南  
有沙亭瑣即沙也晉地道記縣南有瑣陽城即此

宛亭 在長垣縣西南左傳僖公二十八年甯武子  
與衛人盟于宛濮杜預注長垣縣西南有宛

亭近濮水水經注濮溪之側有漆城竹書紀年梁惠成王十六年邯鄲伐衛取漆富邱城之者也亦

謂之宛濮亭太平寰宇記  
漆城在長垣縣西二十里  
**蒼亭** 在南樂縣西二十

及造書臺亭因名後漢靈帝中平元年皇甫嵩與黃巾戰于蒼亭晉時冉閔敗張賀度等于蒼亭皆即此

**蘧伯卿**

在長垣縣東水經注陳留風俗傳曰長垣縣有蘧伯卿一名新卿有蘧亭曹大家東

征賦曰到長垣之境界分蔡農野之居民觀蒲城之邱墟兮生荆棘之萋萋蘧氏在城之東南兮民

亦饗其邱墳縣志  
縣東南有伯玉村  
**龍淵宮** 在開州西南漢書武帝

水經注河南有龍淵宮蓋武帝起宮于決河之旁龍淵之側故曰龍淵宮也太平寰宇記宮在濮陽

縣東十里又縣西南八里有赤龍渦有決口故道蓋古之龍淵也非築宮之所州志在州南別駕里

宣房宮

在開州西南史記河渠書塞紘子築宮其上名曰宣房宮舊志宣房宮在州西南十

七里紘子堤上

潛龍院

在清豐縣舊澶州城內太平寰宇記後唐明宗宅後為僧院舊志又

有御店亦在故城內宋太祖太宗微時邸舍也徽宗時改為潛德觀

銅臺

在大名縣東北五里

積土畝許蓋戰國會盟處

禮賢臺

在大名縣西舊名魏臺相傳魏文侯所築賔禮饒于木處

久廢明萬曆十九年重築易今名

重華臺

在開州治南九域志開德府有衛靈公臺亦名

重華臺 楚王臺

在開州南相傳項羽追章却于此後人因立此臺烽火

臺

在開州東南舊志澶濮間濱河遠近多有土臺連絡相望皆五代及宋初所築以備遼兵處

文臺

在東明縣東北戰國策無忌謂魏王曰秦七攻魏邊城盡拔文臺墮括地志文臺在宛句

縣西北六十五里舊志在今東明  
縣北數里又縣東北十五里有東臺  
荆臺在東明縣南四十里

俗傳卽田氏兄弟康王臺在東明縣南五十里宋  
靖康間康王總帥河北

三人紫荆宅故處  
招集義旅築臺  
于此故址猶存  
騎山樓在府城東舊府治西園  
宋韓琦留守北京時建披

雲樓在開州治南宋真  
宗幸澶淵時建  
安正堂在舊府治內宋馮京留守時建  
留守時建有宋韓琦

琦重九會  
安正堂詩  
清心堂在舊府治內宋馮京留守時建  
又觀德堂亦在府治西園後周

符彥卿所創射堂京改名觀德  
舊府治堂後宋韓琦于府治立三堂曰安正養善  
按府志西園在

雅集後園卽晚香亭西園曰  
騎山樓又別置東園于城南  
衆樂堂在舊府治西  
園宋文彥博

為留守時建每春日許郡人遊  
賢樂堂在舊府城  
內宋通判  
賞故名又有九思亭亦彥博建

黃庭

愛景堂

在開州城內

宋何承矩建

金波亭 在元城縣東故

史梁分魏相六州為兩鎮懼魏軍不從遣王  
彥章將五百騎入衛七余波亭以禦變即此

亭

在開州治西

喜雨亭

在舊府城東五代時王彥超建

臨河亭

在開

州宋史真宗紀咸平二年駐蹕澶州幸浮橋登臨  
河亭賜澶州父老錦袍茶帛景德元年冬帝次澶

州渡河幸城南臨河

晚香亭

在舊府治宋韓琦為  
留守重九日宴諸監

亭賜鑿凌軍綿繡  
司于後園有詩云莫嫵老圃秋容澹且看黃花  
晚節香後人因以名亭又有望春亭亦琦所建

香亭

在舊府城名勝志韓魏公琦于巖沙寺種梨  
千樹方花繁盛時邦人士女日携觴酣飲其

下寺僧創亭花間取唐人詩句  
名之文彥博有詩刻石尚在

夢山亭

在南樂縣  
西二里元

隱士張淳築姚燧牧菴書其額其有古文山其上  
三峯東崖日月窟西崖曰雲堆今廢遺址猶存

梨園

在舊府城內舊有梨樹數千本宋呂夷簡判  
大名又植桃數千本間之築亭于中後人因

其進封許國公  
送名為許公亭  
百花塢 在舊府城內宋王拱辰留  
守時于西園築塢遍栽雜

卉名曰  
操刀營 在南樂縣西三十里其東有留曹  
營相去六里相傳宇文周滅齊遣

兵追高緯  
此其故壘  
五花營 在南樂縣北十八里唐時河北五  
鎮會兵于此因名後人因其壁

壘聚居成鎮今名五花村又有建成營  
在縣北八里武德中太子建成駐兵處  
王彥章營

在南樂縣南門外  
彥章駐兵之所  
五禮碑 曹溶金石表宋徽宗五  
禮碑在大名府舊城內

按五禮碑  
徽宗御書

鎮堡小灘鎮

在元城縣東北二十五里衛河濱自元以來為轉輸要道河南漕運以此為轉

先之所明初設巡司嘉靖三十年東館鎮在元城縣七年又設稅課司于此今裁

以其地有東哲廟也李固鎮在大名縣西唐文德元而名亦曰東廟也

白馬濟河下黎陽臨河李固鎮雙井鎮在大名縣西三鎮九域志魏縣有李固鎮

衛合流之衝北皋鎮在大名縣西與成安臨漳二明嘉靖中建

與雙井汝口皆曰龍鎮在大名縣西南六十里接稱境內巨鎮

征時迴韓張鎮在南樂縣東二十五里金土樓鎮在開州西宋初末北魏奚斤等拔宋滑臺進擊

程廣于土樓破之即此九域志臨河縣有土樓鎮古

定鎮

在開州東南六十里舊大岡鎮在長垣縣東南

洪武初置巡司今裁舊志明嘉靖中于縣境築四堡曰版印在縣南曰樊相在縣西北曰南嶽在縣

東北其一杜勝營在東明縣南六十里明弘治六年即大岡也設通判主簿駐此專理河務本

朝初設守備把總康熙中增設巡司後裁雍正十年改守備為都司十一年復設巡司又增置千總

黃軍營

在東明縣西南明洪武初徐達取河北道宜春侯黃彬出大名彬駐師大喜集西南三

里依河而陣撤諭諸縣皆望風降臺頭堡在元城服大名遂定因名其地為黃軍營臺頭堡在元城南

外其地有高臺相傳魏惠王拜郊臺堡因以名又黃金堤堡在縣東北十里儒家砦堡在縣西北四

十里皆商沙口堡在大名縣西二十里當元城大民輻集處沙口堡名之衝為要隘處明嘉靖中建



主簿寨堡

在清豐縣東南三十里又許村堡在縣西南三十里馮村堡在縣東北二十里

皆有  
小城慶祖堡

在開州南二十五里又井店堡在州西北五十里衛硝二河列其左右

楊村

在開州西南十五里舊時大河要口也五代梁貞明五年晉王軍于德勝梁王贊據上游

十八里楊村夾河築壘後唐同光初梁將王彥章攻唐德勝自楊村乘流而下遂克南城今為楊村

舖趙征村

在開州東北宋嘉祐元年六塔河決內侍劉恢往視還言河口乃趙征村于國

姓御名有樵大興  
非便今其地名趙村

舖北張集

在大名縣東南十里又邊馬集在

縣西南三十里裴子巖集

在東明縣南五十里與長垣接界

白茅集

在長垣縣

東一百二十里接東明  
界元賈魯治河始此

津梁楊家橋

在元城縣西北

長橋

在大名西北舊魏縣東郭化龍村長十里以防漳水

漳寧橋

在大名縣西北舊魏縣東郭外為內黃等處通衢

樂清橋

在南樂縣西北

四里跨岳儒固河明嘉靖間建

西河橋

在清豐縣西郭外又舊城橋在縣南三里大河橋在

縣北三里

玉帶橋

在東明縣北門外跨漆河又吳勝橋在縣東南八

里

石川橋

在開州東門外明嘉靖中建

浮翠橋

在開州東南五里洪洋山南

南溪橋

在開州東南八里許

大通橋

在長垣縣東北二里許跨逯家河明

萬曆五年建

堤堰金堤

在元城縣舊府城北十九里南自滑縣接界繞古黃河歷開州清豐南樂大名元城

東北接館陶界卽漢時古堤也漢書成帝建始四年河決東郡金堤太平寰宇記金堤在頓卽縣北

十里清豐縣南四十五里德清軍  
城東南五里下入南樂縣界  
附城堤 在天名縣城外環繞

縣治明正德間漳衛二河決溢入境知  
縣吳拯增築植柳千株亦名吳公柳堤  
逯家堤 在

名縣東三里許起自南樂縣界經縣境抵衛河濱  
益古堤也又有諸公堤張公堤俱在縣西二里李

茂堤在縣南八里范勝堤在縣東北十  
八里俱明嘉靖中築以捍漳河泛溢  
漳河堤 在

名縣西南岸起自臨漳延袤八十里北岸起自成  
安延袤五十里俱由縣境抵元城縣界明永樂中

築本朝以紅船灣堤 在大名縣北艾家口明弘  
來歲有修築  
治初因衛河決溢築以障

衛河堤 在大名縣西北五里明成化間築起瀆  
縣之新鎮下達館陶延袤三百餘里

本朝以來 歲有修築 河門堤 在元城縣東舊城外舊志府內有河門舊堤魏帥樂彥棧嘗因

以築 羅城宋堤 在南樂縣東十八里古黃河西岸自清豐縣六塔集來宋時所築故名

王村堤 在南樂縣西北三十里舊繁水所經延袤六十里入元城縣界護城堤 在東

明縣城外周八里許明萬曆十六年築 本朝康熙十年重修 孟華堤 在東明縣

城西起滑縣東抵山東界綿亘二三百里 按昨城有孟華潭流入滑縣界堤蓋以障此水下流故

名 白茅堤 在東明縣東南長垣縣之紙坊集東東南去曹州七十里又金堤在縣東南七

十里西接黃陵岡東抵小張家灣元 賈魯創築明弘治間修凡二百餘里 海頭集堤 在東

明縣東北 復闕堤 在開州西太平寰宇記在臨 二十里 河縣南三百步黃河岸北 鯨

堤

在開州西太平寨宇記在臨河縣西十五里自

州西十里又州南一里有宋堤相傳宋時所築州

界南抵長垣北至大名其間長短無名之堤不可

數計城南堤自滑縣來經州東七十里郭城鄉分

五道入山東范縣界城北堤亦自滑縣入至清豐

蓋皆宋時遺蹟韓村堤在開州南長堤在長垣縣南黃河

南儀封縣界迤邐而東歷東明縣南杜勝集至敵

坊集仍屬長垣接河南儀封山東曹州界綿亘三

百餘里自明以來相繼修築按長堤亦謂之太

行堤本朝乾隆十六年豫省黃河漫溢縣迤東

之堤蓄十七年于平家莊修築新堤三尖口堤在

與故堤相接長二千七百九十九丈長

垣縣東三十五里元時小務堤在長垣縣西五里

賈魯沿河築堤始此起自縣西北青岡

集繚城南東至黃家渡口約六十里有餘  
靖二年知縣王三省以水溢開小務口道水由城

北東行

陵墓蒼頡冢

明統志在南樂縣西三十五里縣志又  
有赫胥陵在縣東四十里皆傳會也

夏閻龍逢墓

在長垣縣南太平寰宇  
記在龍城東墓側有祠周衛康叔墓

元和郡縣志在頓  
卯縣東北九十里

柳下惠墓在開州東  
南大寨村衛靈公墓

在長垣縣東北十里又見順  
德府平鄉及山東朝城縣

遽伯玉墓在長垣縣  
南十五里

陳留風俗傳長垣縣有遽伯玉冢太平寰宇記在  
長垣縣東七里祠在墓側明統志在縣南十五里

縣志在縣  
南八里

孔悝墓太平寰宇記在  
頓卯縣北三里子路墓水經注  
聶城東

有子路冢明統志子路墓有三一在清豐縣西南三十里一在開州北十里一在長垣縣北三里舊

志一在開州戚城之東門外有正大光明坊享殿三楹四壁石刻題詠甚多東西廡庑皆具一在

清豐縣西南二十里趙讓村一在長垣縣東關外又見河南滑縣 閔子騫墓 在東

西北二十里墓旁有祠 按濟南府及宿州皆有閔子墓名勝志又謂在清豐縣西南二十里衛人

葬其衣 公西華墓 在東明縣閔子 王孫賈墓 在東

東二十里俗 莊周墓 在東明縣東北 漢齊王家 在

名王孫狐堆 漆園城有廟 審食其墓 在清豐縣北

明縣西南二十里史記齊 魏書地形志 陰安有審 婁敬墓 在開州東南六十里錄士望社內

汲黯墓

太平寰宇記在濮陽縣西南六里黯自淮陽太守歸葬于此蓋寬饒墓

在大名縣西元和郡縣志在魏縣東南八里明統志久被水衝沒

王翁孺墓

元和郡縣

志在元城縣東二百步翁孺元后之祖也

吳恢吳祐墓

在東明縣西二十里吳家村故

址及石人馬尚存

晉東哲墓

元和郡縣志在元城縣東二十五里舊志在今縣東六十

里東館鎮前有祠

唐張公謹墓

在南樂縣西三十里故繁水城南

羅弘信

墓

在大名縣西北十八里

五代梁王彥章墓

在開州南徐鎮里一名志陵

晉王清墓

在南樂縣西北三里晉開運初清與遼兵戰死葬于此

周劔甲墓

在大名縣南八里許後周太祖遺詔葬戰劔甲于此

宋晁宗慤墓

在清豐縣西北四十



里楊棣墓

在開州東門內金沙山明萬歷中知州沈堯中建碑表其墓

元張淳

墓

在南樂縣西南二里

明魏允貞墓

在南樂縣南關外

成基命墓

在府

城南

關

祠廟雙忠祠

在長垣縣南關祀關龍逢北干明弘治中建

柳下惠祠

在開州東

北柳村里明萬歷中建

衛靈公祠

太平寰宇記在長垣縣東北舊長垣城內

玉祠

在長垣縣南街舊為子路祠明嘉靖中改祀蘧伯玉于此

子路祠

有二一在開州北

所一在長垣縣北

二賢祠

在東明縣東二十里祀閔子騫公西華明嘉靖

間建趙文君祠

在大名縣西北廢魏縣治內祀漢縣令趙夔舊在縣東南二十三里明嘉

靖中徒  
今所  
張清豐祠  
在清豐縣南廓外清豐  
時孝子明嘉靖中建祠  
三賢

祠  
明統志在舊府城文廟東南  
祀唐魏徵秋仁傑宋韓琦  
狄梁公祠  
明統志在府城

南門外唐狄仁傑魯為魏州刺史有異政故民為  
立祠舊有雙碑一李邕文張繼處書開元中立一

馮宿大胡證書元和立中又元和郡  
縣志有祠在魏縣東南四里今廢  
四賢祠  
在府治內祀唐

秋仁傑宋寇準韓琦  
劉安世明嘉靖中建南將軍祠  
在清豐縣北門外祀唐南霽雲寇

萊公祠  
在開州東門內  
程明道祠  
在開州城內  
忠烈祠  
在開州治東元

郭嘉死遼東之難明洪武  
初旌其忠烈命有司立祠  
靈津廟  
在開州西南別駕里宋孫洙靈

津廟記元豐元年曹村新  
堤成賜名堤曰靈平廟曰靈津  
阿薩爾祠  
在開州由義坊阿珠瑚元

人屢立戰功世祖龍重之時開州有大獄株連千  
餘家阿薩爾為剖辨得雪至元初散軍衛于河北  
民被其虐阿薩爾悲絕以法故州人感  
而祀之阿薩爾舊作阿木律今譯改

### 寺觀興隆寺

在舊府城內名勝志興隆寺佛殿西楹  
下有魏宮彈基局魏文帝時故款也

### 普照寺

在府治西宋元時在舊府城內明永樂初  
徙建于此按清豐縣亦有普照寺寺中

有明成寧伯  
王越碑記

### 大安寺

在元城縣東舊府城內宋時  
建東壁畫真宗幸大名府時

儀衛南簿及扈從  
百官首列冠萊公

### 白馬寺

在大名縣城內西南隅  
宋建寧中有佛放光如

白馬駕車狀因勅建寺名曰白馬作浮屠五層  
極土木之戒後殿明萬厯間重葺今名白佛寺  
文

### 殊寺

在大名縣西胡管庄相傳金元  
以前建規模宏擴為境內名利  
舊賢寺在東  
明縣

東南六十里其地有龐居士莊相傳漢龐居士世居于此練行成道唐開元中建寺莊前名曰舊賢

### 太平興國寺

在開州治東宋時勅建本朝康熙十年重葺

### 延昌寺

在開州東

南小澗州創于後唐舊名法空寺元世祖在藩邸曹駘蹕于此生皇子後即位賜金改名延昌至元

三十八年重修有劉元碑記

### 龍泉寺

在開州清河店北岡之上去州十里西河背山樹木

幽翳後有土山高三丈

### 洪福寺

在開州新店去城數里創于後周修于宋明隆慶萬曆時

屢修寺中有塔碑文云寺即宣房故墟也洪洋拱其東龍潭滙其西平岡曲阜巖壑深遠林木蔚茂

為瀆

### 清涼寺

在開州之郭村去城十里唐太和中城剝比卯洪貞建宋至明屢加修葺中有

石香亭記其始末州之古剎推為第一

### 白塔寺

在長垣縣西門內明洪武八年建塔相傳

有鍾不萬壽觀  
叩自鳴  
在開州城東元時明道真人修煉之所秦定二年建曰元初萬壽觀

欽定大清一統志卷二十二

欽定四庫全書

欽定大清一統志卷二十三

大名府 二

名宦漢韓延壽

燕人宣帝時徙為東郡太守上禮儀好古教化聘賢士表孝弟有行修治

學宮春秋鄉射陳鐘鼓盛升降揖讓及都試講武習射御之事治城郭叔賦租先明布告其日吏民

敬畏趨鄉之又置正五長相率以孝弟不得含姦人接待下吏恩施甚厚而約誓明或欺負之者延

壽痛自刻責吏聞者自傷悔在東郡王尊高陽人三歲令行禁止斷獄大減為天下最

遷東郡太守河水盛溢泛浸瓠子金隄尊躬率吏民沈白馬祀河伯親執圭璧使巫策祝請以身填

金隄因止宿廬居隄上吏民叩頭救止尊終不去  
及水盛隄壞尊立不動而水波稍却迴還吏民皆  
壯尊之勇節白馬三老朱英等奏其狀詔秩尊中  
二千石加賜黃金二十斤數歲卒官吏民祀之

**耿純**

宋子人光武時為東郡太守時東郡未平純  
視事數月盜賊清寧居四歲坐事免從擊董

憲道過東平百姓數千隨車駕涕泣曰願復得耿  
君帝曰純治郡乃能見思若此乎建武八年東郡  
濟陰盜賊群起帝以純威信著於衛地使與李通  
王常會兵東郡擊之東郡聞純入界盜賊九千餘  
人皆詣純降大兵不戰而還璽書  
復以為東郡太守而吏民悅服

**張**

**酺**

宗初出為

東郡太守酺雖儒者而性剛斷下車擢用義勇搏  
擊豪強長吏有殺盜徒者酺輒按之以為令長受  
賊猶不至死盜徒皆饑寒傭保何足窮其法擢用  
郡吏王青且上疏薦其三世死節帝幸東郡引酺



及門生並郡縣掾史咸會於庭帝先備弟子之儀使輔講尚書一篇然後修君臣之禮視事十五年

**魯丕**

平陵人永元二年遷東郡太守修通溉灌百姓殷富數薦達幽隱名士

**三國魏**

**胡質**

壽春人太祖召為頓印令縣民郭政通於從妹殺其夫程他即吏馬諒繫獄為證政與妹

皆耐掠隱抵諒不勝痛自誣當反其罪質至官察其情色更詳其事檢驗具服**晉鄭默**開

人武帝時出為東郡太守值歲饑默輒開倉賑給乃舍都亭自表待罪朝廷嘉默憂國詔書褒歎比

之汲**隋元暉**洛陽人開皇中拜**楊文思**華陽人開

州刺史甚有惠政及去職**張瑀**河東人開皇中為

吏民思之乃立碑頌德**張瑀**河東人開皇中為

**楊德深**

弘農人文帝時遷貴鄉長為政清靜不嚴而治會興遼東之役徵稅百端人不堪命

惟德深一縣有無相通所求皆給而百姓不擾於時盜賊羣起諸城多淪陷唯貴鄉獨全尋轉館陶

長貴鄉父老詣闕請留有詔許之館陶父老復詣郡相訟郡不能決會持節使者韋霽杜整等至斷

從貴鄉貴鄉吏人歌呼滿道館合慕容遐燕人大境悲哭因從而居住者數百家業中為

澶水丞漢王諒反抗唐潘道毅魏州總管武德四年劉黑闥陷魏州節不從以誠節聞

道毅魏州刺史武德四年劉孔昌寓山陰人死之權威黑闥陷鄆縣威死之

為魏州司馬有治狀帝為不李靈龜唐宗室歷魏置刺史為政三年墾書褒美州刺史為政

威屢盜賊不發鑿永濟蘇幹武功人垂拱中遷魏渠通新市百姓利之州刺史河朔饑前刺

史苛暴百姓流徙幹檢吏督姦勸狄仁傑太原人課農桑由是流冗盡復以治稱

天中契丹陷冀州河北震動擢仁傑為魏州刺史  
前刺史懼賊至驅民保城修守具仁傑曰賊在遠  
何自疲民萬一賊來我自辦之何預若輩  
悉縱就田賊聞亦引去民愛仰之為立祠  
韋景駿  
萬年人為貴鄉令有母子相訟者景駿曰今少不  
天常自痛爾幸有親而忘孝耶教之不孚今之罪  
也因嗚咽流涕付授孝經使習大義  
宋璟南和人  
於是母子感悟請自新遂為孝子  
為魏州刺史以清白  
刺史陽嶠洛陽人睿宗時為魏州刺史以清白  
刺史開既徙荊州為本道按察使魏人務  
耳闕下請嶠為  
刺史故再治魏  
張廷珪濟源人開元中徙魏州刺  
訥武延秀韋溫等封戶多在河南河北調朝廷詔  
兩道蠶產所宜雖水旱得以蠶折租廷珪謂兩道  
倚大河地雄奧股肱走集宜得其歡心安可不恤  
其患而殫其力若以蠶桑所宜而加別稅則隴右

羊馬山南椒漆山之銅錫鉛錯海之屨蛤魚鹽水旱皆免寧獨河南北外於王度哉願依貞觀永徽

故事准令折免詔苗晉卿壺關人天寶中徙魏郡可在官有威化太守即充河北採訪使

居三年政化大行魏人李粵趙人為南華令大水為營生祠立石頌美化縣饑人至相屬粵

為具饗粥及去糗糧送之吏為立碑五代周魏丕相州人世宗鎮瀛

盜五人獄具丕疑其冤緩之不辛仲甫汾州孝義數日果獲真盜世宗嘉其明慎

郭崇出鎮瀛洲署仲甫掌書記崇所親吏為廂虞侯部民有被劫殺者訴陰識賊魁即捕盜吏也官

不敢詰仲甫請自捕逮鞠之吏故稽其獄仲甫曰民被寇害而使自誣服蠹政甚矣焉用僚佐為請

易吏以雪冤慎崇悟宋王祐大名草人符彥卿鎮移鞠之乃得實狀大名頗不治太祖以

祐代之俾察彦卿動靜祐以百口明彦卿無罪彦卿由是獲免

**陳恕**

南昌人太宗時知大名府

時遼人內寇受詔增浚城隍其器用以狗民皆悚慄

無敢後期者

**王承衍**

洛陽人雍熙中知天雄軍府

境戒嚴城市大恐屬上元節承衍下令市中及佛寺燃燈設樂與賓佐宴遊達旦人賴以安後再知

天雄軍吏民千餘詣監軍

**趙昌言**

汾州孝義人淳

請為本道節帥詔褒之

大河貫府境豪民蔣芻莖圖利誘姦人潛穴隄歲仍決溢昌言知之一日隄吏告急命徑取豪家廬

積以給用自是無敢為姦利者屬澶州河決流入御河溢浸府城昌言籍兵負土增隄不決旬城完

太宗手詔

**吳元辰**

太原人真宗時知澶州咸平三年轉運使劉錫上其治狀詔書

嘉獎張進曲阜人咸平中徙天雄軍部署會河決

之郟州王陵口發數州丁男塞之命進董

其役凡月餘何承矩河南人景德元年出知澶州

畢詔褒之承矩自守邊以來常欲朝廷

懷柔遠人為息兵之計及是車駕張旦趙州人貞

按巡本部卒與遼和益加歎賞宗時知德

清軍景德中遼兵入寇陷軍壁且與其子利涉率

衆奮擊並戰沒帝聞之驚悼錄其四子官時虎翼

都虞侯胡福副指揮使尚祚指揮使張睿劉福

都頭輔能等皆力戰而死真宗嘉歎其志勇周

起鄒平人真宗時徙知天雄軍陳若拙廬龍人真

所至有風烈數賜書褒諭宗時知澶

州蝗旱之餘勤於

治郡民列狀乞留

靳懷德高唐人真宗時知澶州

治頗著張禹珪河朔人景德中知澶州勤於政治

政績以瑞麥生獄空連詔嘉獎會河隄

決溢禹珪率徒塞之宰相王旦奉  
使兗州還言其狀優詔褒之  
王會益都人天禧

仁宗初以彰信軍節度使復知天雄軍遼使者往  
還斂車徒而後過無敢譁者人樂其政為畫像而

生祀  
曹瑋靈壽人仁宗初知天雄軍遼使過天雄  
部勒其下曰曹公在此毋縱騎馳驅也

王德用趙州人仁宗時遼遣劉六符來求復闕南  
地以兵壓境乃改德用知澶州歲大熟六

符見德用拜曰此  
趙及偃師人仁宗時知魏縣歷  
公仁政所及也通判大名府所治有聲吏

民安  
李京趙州人仁宗時知魏縣奉法嚴正吏不  
之便欲以苛中京遂相率遁去監司果議

以苛刻斥京知府任布曰如  
程琳博野人仁宗時  
此適墮吏計中京類以免知天雄軍後又

判大名府持重不擾前後守魏十年度要害繕壁  
壘增守禦備植雜木數萬曰異時樓櫓之具可不

出於民矣人愛之為立生祠

**陳執中**

南昌人皇祐中判大名府河決高胡走大名程琳欲

為堤不果成而去執中乘年豐調丁夫增築二十里以障橫潰

**賈昌朝**

獲鹿人仁宗時判大

名府時河決高胡昌朝請復故道不從六塔功敗賔棟德博民多水死昌期振揀之甚力

**杜衍**

山陰人仁宗時知天雄軍衍為治謹密不以威刑督吏然吏民亦憚其清整

**張問**

襄陽人仁

宗時通判大名府郡牧地在魏歲久於入於民有司按舊籍括之地數易主券不明吏苟趣辦持詔書

奪人田至毀室廬發邱墓問至則曰是豈朝廷意耶具以上聞仁宗諭大臣曰吏用心悉如問何患

赤子之不安也立罷之

**張觀**

絳縣人仁宗時徙知澶州河壩孫陳婦及浮梁州人大恐或請

趙北原以避水患觀曰太守獨去如州民何乃躬率卒徒增築之堤完水亦退

**李肅**

之州



人仁宗時監大名府軍資庫大河溢府檄修冠氏堤堤功就弗擾民悅之通判澶州遼使將過郡而樓堞壞圮肅之謂郡守曰吾州為景德破敵之地當示雄彊遂鳩工構城屋凡千區已而中責人街命來示規置一新驚賞嗟異

**陸詵**

餘杭人仁宗時僉書北京判官貝州亂給事不貲賊平又

條治其獄

**韓綜**

雍邱人仁宗時通判天雄軍河溢無濫者

能濟一人予千錢民爭採舟

**張燾**

臨濮人仁宗時提點河北刑獄

攝領澶州七日而商胡決燾

**姚仲孫**

高水人仁宗時權知澶州

振溺抹餼所全活者十餘萬

河壞明公掃絕浮橋仲孫親總役堤上埽一夕復完權知大名府夜領禁兵塞金隄決河是歲澶魏

雖大水民

**李遵勗**

上黨人仁宗時知澶州河水潰不及患

將堞浮梁遵勗督工徒七日而

堤成**康德興**洛陽人仁宗時歷大名府路鈐轄提舉

口居民避水羣趨堤上而水至不得達德與以巨船五十順流以濟之遂免壅溺

**劉渙**保塞

人治平中知澶州河北地震民乏粟率賤賣耕牛以供朝夕渙盡發公賤買之明年民無耕牛價增

十倍渙復出所市牛以元**程顥**河南人英宗時僉值與民澶民賴不失業

**程顥**書鎮寧軍判官程

昉治河取澶卒八百虐用之衆逃歸群僚畏昉欲勿納顥曰彼逃死自歸弗納必亂若昉怒吾自任

之即親往撫勞約少休三日復役衆歡踊曹村婦決顥謂郡守劉渙曰曹村決京師可虞臣子之分

身可塞亦所當為盍盡遣廂卒見付渙以鎮印付顥立走決所激諭士卒命善泅者渡決口引巨索

濟衆兩岸並進數日而合**韓琦**安陽人熙寧元年徙判大名府

王安石用事出常平使者散青

苗錢琦亟言之帝出其疏以示宰臣曰琦真忠臣雖在外不忘王室朕始謂可以利民今乃害民如此當是時青苗法幾罷琦在魏郡久遼使每過移牒必書名曰以韓公在此故也魏人為立生祠

**文彥博**

介休人仁宗時判大名府熙寧中復判大名府身雖在外而帝眷有加初治河者為

濬川杞王安石遣都水丞范子淵行其法彥博言河非杞可濬臣不敢雷同罔上

**黃庭堅**

分寧人熙寧中教授北京國子監留守文彥博才之留再任**鄭僅**彭城人熙寧

司戶參軍留守文彥博以為材部使者檄往他郡彥博曰如鄭參軍詎可令數出奏改司法

**薛**

**向**河中萬泉人神宗時論河北糴法之弊朝廷是向計始置使糴司於大名以向為提點刑獄兼

其事武強有盜殺人而逸尉捕平民**王拱辰**開封  
抑使承向覆其寃脫六罪囚於死

人元豐初判大名時三路籍民為保甲日聚而教之禁令苛急往往去為盜拱辰抗言其害主者指為沮法拱辰上章不已帝韓琦州河決晝夜捍禦悟於是第五等戶得免

帝念其勞遷大中大夫琦吏事絕人歷案牘終身不忘澶州民懷思之他日郡守欲有所改為民必曰此已經韓大章衡浦城人元豐中知澶州至部中矣以故輒止

章衡會官立法禁民販鹽衡言民恃鹽以生生之所在雖犯法不便

韓絳雍邱人哲宗顧徒令扞獄日繁請如故便

韓絳初為北京留守河決小吳都水議傍魏城鑿渠東趨金隄後甚急絳言功必不成徒耗費國力而使魏人流徙非計也三奏

徐處仁穀熟人河北盜起徙大名尹前訖罷之

尹王革恠而怯盜無輕重悉抵死小有警輒閉城以兵自衛處仁至即大開城門徹牙內人情遂安在官以剛廉稱

黃友州

平陽人通判澶州金人敗盟郭藥師以常勝軍叛燕土響應友獨領數千人與之戰躬冒矢石破裂

脣齒欽宗即位召對問狀為之稱歎

**金梁肅**

奉聖州人轉運使使攝大名少尹

正隆末境內盜起驅百姓平人陷賊中不能自辨者數千人皆繫大名獄肅到官考驗得其情獻出

者十

**楊伯仁**

藁城人世宗時改大名少尹郡中豪民橫恣民受其害伯仁窮竟渠黨四

境為之

**徒單公弼**

河北東路孫卓貸明安人章宗時知大名府事是時伐宋軍興

有司督逋租及斗頭稅甚急公弼奏軍士從戎民亦疲弊可緩征以紓民朝廷從之

孫卓貸明安

舊作莫主海

**裴莫亨**

臨橫府人章宗時遷同知大名府事先是豪猾縱橫前政

莫制莫亨下車宣

**徒單銘**

特赫塔臘人大安三年改知大名府大名薦饑

重困銘乞大出交鈔以賑之  
赫塔臘舊作忒黑闐刺今譯改  
特 **王毅** 大興人官東明令貞

祐二年東明圍急毅率民兵欲戰者數百人拒守  
城破猶率衆抗戰力窮被執與縣人王八等四人

同驅之郭外先殺二人王八即前跪將降毅以足  
踏之厲聲曰忠臣不佐二主汝乃降乎驅毅者以

刃斫其脛毅不屈 **元張弘範** 定興人至元二年守  
而死贈曹州刺史

舍租稅無從出弘範輒免之朝廷罪其專擅弘範  
入見曰臣以為朝廷儲小倉不若儲之大倉帝曰

何說也對曰今歲水潦不収而必責民輸倉庫雖  
實民死亡殆盡明年租將安出曷若活其民使不

致逃亡則歲有恒収非陛下 **張孔孫** 隆安人至元  
大倉乎帝曰知體其勿問

蒞大名以所沒贓糶粟振饑民專除大名路總管  
兼府尹大興學校有獻故河隄三百餘里於太后

者即上章請明焦昉定興人永樂初為長垣知縣  
還於民從之

許之以知州秩仍理縣事政績益著宣德中卒於  
官民為營葬於邑城東南隅且築室居其妻子

賀禎

仁宗時為大名縣丞廩廉隅三  
考當遷民乞留即擢知本縣閻禹錫洛陽人景

泰中任開州訓導從學者如市人士李瓚臨汾人  
化之有不率輒曰吾無以見閻先生

為大名知府河決長垣東明瓚築長堤延袤二百  
餘里植榆柳數萬株沿堤置舖夫遇衝刷輒補葺

又於元城築衛河堤工費不擾世享其利民有不  
事生業者督令紡織遠近革化在官十二年民尸

祝韓福天長人弘治中為大名知府自罷兵戍盜  
之稍起福定諸州縣番上之法躬親團操又

時詢察盜賊屏跡道不拾遺鼓樓下置一認物亭  
令境內有見道上所遺物一錢以上悉齎投亭中

許亡者認取諸州縣吏民以事詣府者率投衣囊亭中事畢各持去間有過旬者吏民不敢取也

在任八年治行為天下第一賜宴光祿兩入覲朝中史士夾道指曰此大名韓知府也時以比宋包拯

云鮑琦麻城人弘治中為魏縣知縣值漳水決漂沒田廬琦築隄一百三十里捍之不三月

而成水患以息劉鸞白水人正德中為東明知縣至今稱鮑公堤劉鸞時流賊攻東門二日幾陷鸞

乘城督戰悉力拒守項中二鎗張謙慈谿人嘉靖神色不變縱火燒賊營圍始解張謙中為大名知

府以廉馭吏終謙之治無敢受一錢者故事養馬常課外復徵餘地錢百姓苦之謙請豁免值歲早

蝗為減征派緩馬價蠲田租凡事諸偁秀水人嘉不便民者悉加酌濟流亡多來歸諸偁靖中知大

名縣政尚寬簡邑有水患甄敬平定州人嘉靖中築隄障之至今稱諸公堤甄敬知大名縣漳衛河



決敬築樓底埽口以牛種給民  
均畝定則歲以豐稔流亡歸業  
**朱湘** 義烏人嘉靖末知大名縣

初至首築護城堤創應龍書院會士人月三試之  
置學田二百餘畝建社學十四所選塾師分訓之

文教  
**盧象昇** 宜興人天啟末知大名府擒大盜馬  
大興 翻翻崇禎三年擢大名兵備副使嘗

追賊於小西天山又敗之青龍岡前後斬首數千  
象昇每臨陣身先士卒與賊格鬪刃及於鞵弗顧

失馬即步戰以是賊甚畏不敢窺大名  
本朝乾隆八年奉 旨入名宦祠 **朱廷煥** 單縣

人崇禎中以兵備副使分巡大名流賊逼畿  
輔偽檄至怒而碎之及城破被執不屈死

**本朝方元啟** 開化人順治間知南樂縣時民多逃亡  
徭役無所出居者重困元啟按籍清審

減免丁銀六百餘兩來歸者給以牛  
種農具不數年增戶口萬六千有奇  
**高文鑑** 江陵人順

治十八年授清豐知縣先是縣多雜徼歲責數千兩文鑑至悉除之爭訟者立為剖決未嘗留滯以病去民立耿介登封人康熙初分巡大名道介故祠祀之清正為下所服及去父老相送數

里**范明德**壽州人康熙六年為大名府通判制府慕士犯罪明德按治之其人走愬制府

明德曰某守法吏敢以上官撓法耶卒於官貧不能殮士民傷之

人物漢汲黯字長孺濮陽人孝景時為太子洗馬嚴見憚武帝即位為主爵都尉亦以數

直諫不得久居位上問嚴助曰汲黯何如人也曰使黯任職居官無以踰人至其輔少主守成雖自

謂賁育弗能奪也上曰然古有社稷之臣至如汲黯近之矣後拜淮揚太守居十歲而卒京房

字君明頓丘人治易事梁人焦延壽其說長於災變分六十四卦更值日用事以風雨寒溫為候各

有占驗房用之尤精好鍾律知音聲以薦察為郎  
永光建昭間數上疏所言屢中石顯五鹿充宗疾  
之出為魏郡太守後**王閔**元城人平阿侯譚之子  
卒為所中下獄而死**王閔**哀帝時為中常侍倖臣  
董賢為大司馬寵愛貴盛閔屢諫忤旨帝臨崩以  
璽綬付賢閔白元后請奪之即帶劍至宣德後閔  
舉手叱賢賢不敢拒乃跪授璽綬閔馳上太后王  
莽忌閔出為東郡太守莽敗漢兵起閔獨完東郡  
三十餘萬戶**索盧放**字君陽東郡人以尚書教授  
歸於更始**索盧放**千餘人初署郡門下掾更始授  
時使者督行郡國太守有事當斬放願以身代使  
者義而赦之由是顯名建武六年徵為洛陽令徒  
諫議大夫數納忠言後以疾去復徵不起光武  
使人興之見於南宮雲臺賜穀二千餘斛連歸**吳**  
**祐**字季英陳留長垣人父恢為南海太守欲殺青  
簡以寫經書祐諫曰海濱舊多珍怪此書若成

則載之兼兩嫌疑之間誠宜慎也恢撫其首曰吳氏世不乏季子矣及年二十喪父居無億石而不受贖遺舉孝廉遷膠東侯相政為仁簡爭訟自息梁冀表為長史冀誣奏李固祐爭之不聽時扶風馬融為冀章草祐因謂融曰李公之罪成於卿手卿何面目見天下之人乎遂自免歸躬灌園蔬以經書教授長子鳳樂浪太守少子愷新息令鳳子馮鯛陽侯相皆有名於世

**秦周**

字平

留平邱人名在八

**謝弼**

字輔鸞濮陽人中直方正為鄉邑所宗建寧二年詔

舉有道之士弼對策除郎中時青蛇見前殿大風拔木弼上封事言竇氏之誅太后幽隔空宮愁感天心陛下以桓帝為父豈得不以太后為母又故太尉陳蕃勤身王室而見陷群邪宜還其家屬解除禁網徵故司空王暢長樂少府李膺並居政事庶災變可消左右惡其言出為廣陵府丞去官歸

家中常侍曹節從子紹為東郡太守  
守忿疾於弼遂收拷掠死獄中  
三國魏毛玠字

先平邱人少為縣吏以清公稱太祖辟為治中從事嘗為東曹掾與崔琰並典選舉所舉用皆清正

之士務以儉率人由是士莫不以廉節自勵太祖平柳城班所得器物特以素屏風素馮几賜玠曰

君有古人之風故賜君古人之服玠居顯位常布衣蔬食賞賜即賑施貧族家無所餘魏國初建為

尚書僕射晉杜友字季子東郡人魏正元中為侍後卒於家御史母邱儉之誅黨與七百餘

人友治其獄惟舉首事十人餘皆奏散後任晉歷冀州刺史河南尹成公簡字宗舒

性樸素不求榮利潛心道味張茂先每言簡清靜比揚子雲默識擬張安世官至散騎常侍東

晉子廣微陽平元成人漢疏廣之後王莽末避難因改姓晉博學多聞察孝廉舉茂才皆不就太

康中郡界大旱為邑人請雨三日而雨注衆為作歌性沉靜不慕榮利作元居釋以擬客難張革見而奇之召為掾累遷尚書即趙王倫請為記室辭疾罷歸教授門徒及卒元城市里為之廢業門生故人立碑墓側所著五經通論發

南北朝魏李崇

蒙記

補亡詩文集數十篇行於世

字繼長頓邱人襲爵陳留公孝文初為荆兗二州刺史俱有稱績後行梁州刺史討平叛氏楊靈珍

宣武初魯陽蠻柳北喜等叛詔崇進討諸蠻悉降

延昌初都督淮南諸軍事在州十年寇賊侵邊所

向摧破號曰卧龍累遷尚書令加侍

李平

字曇定

中在官和厚明於決斷卒謚武康

弟

涉獵群書有文才宣武時累官相州刺史徵拜度支尚書京兆王愉反於信都平都督諸軍討平之

孝明時遷尚書右僕射卒謚文烈平自在度支至於端副夙夜在公孜孜匪懈凡處機密十有餘年

有獻替之稱子諧風流文辨孝靜時歷中書侍郎魏梁和好諧為聘使甚為梁武所重

唐李

勳字懋功離狐人本姓徐初從李密武德二年密歸唐其地勳統之未有所屬乃錄郡縣戶口以

啟密請自上之高祖喜曰純臣也詔授黎州總管封英國公賜姓附宗正屬籍從秦王征伐平竇建德俘王世充又從破劉黑闥徐圓朗貞觀初拜并州都督降突厥破薛延陀屢有功高宗立拜尚書左僕射進司空率兵討高麗平其國卒贈太尉謚貞武孫敬業少從勳征伐襲爵英國公為眉州刺史坐事貶客揚州武后擅命敬業起兵稱匡復檄州縣疏武氏過惡復廬陵王天子位後以兵敗死

張公謹

字弘慎魏州繁水人為王世充涑州長史挈城歸唐貞觀初為代州都督數言時政

得失太宗多所採納後副李靖經畧突厥敗頡利

璽詔慰勞追封鄒國公改襄州都督以意政聞卒

官太宗不避  
辰日哭之

**馬嘉運**

魏州繁水人少為沙門還治  
儒學長議論貞觀初累除越

王東閣祭酒退隱白鹿山受業至千人召拜弘文  
館學士以孔穎達正義繁釀拊撫其疵當世諸儒  
服其精終  
**谷那律**魏州昌樂人淹識羣書褚遂良  
國子博士嘗稱為九經庫貞觀中累遷諫

議大夫孫倚相為秘書省正事讎覆圖書多所刊  
定倚相孫從政涉儒學有風操事孫寶臣歷定州  
刺史及惟岳與田悅謀拒天  
**杜正倫**相州洹水人  
子命從政諫不納即仰藥死隋世重舉秀

才天下不十人而正倫一門三秀才皆高第為世  
歎羨貞觀中累進中書侍郎論事稱旨顯慶元年  
進同中書門下三品遷中書令封襄陽縣公李義

府同執政不能下出補為橫州刺史卒正倫工屬  
文與董思恭夜直論文章思恭歸乃謂  
人曰與杜公論文今日覺吾文頓進矣  
**張文瓘**字雅



圭昌樂人幼孤事母兄以孝友聞貞觀初第明經  
補并州叅軍時李勣為長史歎曰雅圭今之管蕭  
吾所不及乾封二年同東西臺三品遂與勣同為  
宰相改黃門侍郎兼大理卿不旬日斷疑獄四百  
抵罪者無怨言時以執法平恕方戴胄後拜侍郎  
諸囚聞其遷皆垂泣性嚴正未嘗回容諸司奏議  
悉心糾馭新羅叛帝將出兵討之文瓘請息兵修  
德以懷異俗詔可卒贈幽州都督謚曰懿四子潛  
沛洽涉皆至三品時謂萬石張家文瓘兄文琮好  
自寫書筆不釋手永徽初獻文皇帝頌優制褒美  
官終建州刺史從父弟文瓘終太子  
率更令善音律著新樂書數十篇

**李義琰**

昌樂人及

進士第補太原尉李勣為都督甚禮之累遷中書侍  
郎上元中同中書門下三品高宗欲使武后攝國  
政義琰固爭得寢帝每顧問必鯁切不回宅無正  
寢弟義琎為市堂材送之義琰曰處貴仕又廣居

宇非有令德必受其殃卒不許致仕歸公解琬元城

卿以下忌祖錢通化門外時人比漢疏廣

人中幽素科歷官侍御史安撫烏質勒及十姓部落景龍中遷御史大夫兼朔方行軍大總管前後

守邊積二十年務農習戰郭震字元振賁鄉人以華夷安之終同州刺史

十八舉進士武后用為奉宸監丞吐蕃請和其大將論欽陵請罷四鎮兵乃以元振充使還上疏具

言所以制御之策后疑之後數年吐蕃君臣猜攜卒誅欽陵而其弟贊婆來降拜元振為涼州都督

置和戎城及白亭軍拓境千五百里于甘州關屯田食支數十年神龍中遷安西大都護睿宗立召

為太僕卿安西酋長有務面哭送者先天二年以兵部尚書同中書門下三品元宗誅太平公主諸宰相走伏外省獨元振提兵護帝進封代國公元振少雄邁及賁居處儉約手不置書人莫見其喜

溫  
姜師度

魏人擢明經神龍初為河北道巡察使  
濬溝於薊門以限邦丹並海鑿渠以通

餉路累遷河中尹引安邑鹽池置鹽屯公私  
不賞徙同州刺史又派洛灌朝邑河西二縣  
以灌通靈陂收棄地二千頃為上田置十餘屯  
進將作大匠卒師度喜梁漕所就必為世利  
吳

保安

字永固魏人睿宗時姚萇蠻叛拜李蒙為姚  
州都督郭元振弟子仲翔為判官時保安罷

義安尉未得調仲翔以同里力薦之蒙表掌書記  
保安便往蒙已戰歿仲翔被執蠻聞仲翔責胄必  
千緡方許贖保安留為則力居貨十年得緡七百  
都督楊安居義之助其乏贖仲翔歸後保安以彭  
山丞客死喪不克歸仲翔為服練經囊其骨徒跣  
負歸葬魏州廬墓三年乃去後為嵐州長史迎保  
安子為之娶杜暹濮陽人自高祖至暹五世同居  
而讓以官杜暹尤恭謹事繼母孝擢明經第

補婺州參軍歷鄭尉俱以清節顯開元四年以監察御史覆屯磧西會郭虔瓘與劉遐慶更相訟詔暹即按哭厥以金遺暹暹受焉陰埋幕下已出境乃移文俾取之哭厥大驚度磧追不及去十四年同中書門下平章事進禮部尚書封魏縣侯卒謚貞孝族子鴻漸第進士為朔方判官祿山亂迎肅宗至武靈密贊大

**南霽雲**

頓邱人安祿山反從張計累官門下侍郎

來攻巡使霽雲射一發中其左目既而被圍久城中食盡時賀蘭進明屯臨淮許叔冀尚銜次彭城皆觀望莫肯救巡使霽雲如叔冀請師不應復遣如臨淮告急引精騎三十冒圍出賊萬眾遮之霽雲左右射皆披靡既至進明初無出師意又愛霽雲壯士欲留之為大饗樂作霽雲泣曰昨出睢陽時將士不食月餘日矣義不忍獨食因拔刀斷一指一座大驚為出涕即馳去復冒圍入城陷被執

賊欲降之。廵呼曰：南八男兒死耳，不可為不義屈。審雲笑曰：欲將以有為也。公有言，敢不死。遂死之。

贈揚州大都督 **劉晏**，字士安，曹州南華人。明皇封圖形凌烟閣。晏始八歲，獻頌行在。即投太子正字肅宗代宗時，兩為戶部侍郎領度支鹽鐵轉運鑄錢租庸使，拜吏部尚書同中書門下平章事。使如故，兼領東都河南江淮轉運租庸鹽鐵常平使，通江淮漕渠，歲致四十萬斛。上勞曰：卿朕鄼侯也。又兼益湖南荆南山南東道與第五琦分領天下金穀權利益廣，民不告勤。大歷時，軍國皆仰晏德宗立，又加關內河東三川及諸道青苗使，楊炎執政，構之，貶忠州刺史，賜死。天下寃之。晏兄暹為汾州刺史，天資疾惡，建中末，召為御史大夫，盧杞憚其嚴，更薦于欣代之。終湖州刺史。晏孫濛舉進士，累官給事中，以才為李德裕所知。暹孫潼擢進士，歷京兆尹，山南有劇賊潼，直叩其壘，諭

降之累遷西川節度使南  
吳淑  
後之弟建中初遷

金吾大將軍朱泚反詔大臣持節慰曉德宗顧左  
右無願行淑曰陛下不以臣無能願至賊中諭天

子至意即日賫詔見泚泚留淑不遣卒被害贈太  
子太保諡曰忠子士矩文學早就喜與豪英遊開

成初為江  
吳湊  
敏銳而謙畏自將帝尤委信時令

西觀察使  
狐彰田神功等繼沒其下搖亂湊持節至汴滑委  
曲慰諭軍中驩附元載當國久帝召湊圖之叔載

賜死貞元十四年拜京兆尹進兼兵部尚書  
卒諡曰成湊任中外未嘗有過為外戚表  
張萬

福  
元城人三世明經止縣令州佐萬福乃學騎射  
從征遼有功累攝壽濠舒三州刺史代宗召見

曰欲一識卿面後以利州刺史鎮咸陽李正己反  
屯兵埇橋江淮漕船不敢踰渦口德宗乃以萬福

為涿州刺史漕遂通改泗州為杜亞所忌召拜右金吾將軍圖形凌烟閣陽城等論裴延齡事伏閣不去帝震怒左右懼不測萬福大言曰國家有直臣天下無慮矣吾年八十與見盛事徧揖城

勞之天下益重其名以工部尚書致仕卒年九十

**王栖曜**

濮陽人性謹厚善騎射累授試

金吾衛將軍袁量亂浙東栖曜與戰日十餘遇生擒量投浙西都知兵馬使李希烈陷汴州次寧陸將襲宋州栖曜以強弩三千涉水夜入寧陸希烈遂不敢東貞元初終鄜坊節度使子茂元累官河陽節度使**栢良器**字公亮魏州人父造以獲嘉令死安祿使祿山難乃學擊劍欲報賊父友王真薦之李光弼遷左武衛中郎將年二十四更戰陣六十二李希烈圍陵寧遇水灌之期翌日拔城良器以救兵至擇善射者沿汴渠夜入及旦伏弩發來城者皆死錄功封平原郡王圖形凌烟閣終左

領金吾衛大將軍子者有縱橫學王承宗叛者詣  
柴度言願得天子一節馳入鎮掉舌下之乃以左  
拾遺往既至以大義動承宗至泣下乃杜羔  
請獻二州以二子入質由是聲震一時杜羔  
元初擢進士第有至性父死河北母更兵亂不知  
所之羔憂號終日及從兄羔為澤潞判官鞠獄有  
媼辨對不凡乃羔母因得奉養而不知父墓區處  
晝夜號慟他日舍佛祠觀柱間有文字乃其父臨  
死記墓所在因是乃得葬元和中為萬年令後歷  
振武節度使以工部尚書致仕卒謚曰敬子中立  
開成初尚真源長公主累官司農卿 韓弘 匡城人  
義武節度使居官精明吏下畏服 莊重寡  
言沈謀勇斷由大理評事累官宣武節度使憲宗  
用兵淮西拜為諸軍行營都統使吳元濟平以功  
加兼侍中封許國公子功武以討蔡功為鄜坊節  
度使弘弟充累官宣武節度使性節儉歷三世居



處服玩如儒生乘機決  
策無餘悔世推善將

谷感德

南樂人又有毛仁  
魏縣人皆以孝行

被五代梁龐師古

南華人太祖鎮宣武得馬五百  
匹為騎兵以師古將之從破黃

巢秦宗權皆有功又破徐州斬時溥表為徐州留  
後師古自徵時事太祖謹甚未嘗離左右及為將

出兵必受方畧以行遣攻淮南營清口或請就高  
為柵師古以非太祖命不聽淮南人決水浸之遂見

殺唐劉贊

魏州人舉進士明宗時累遷刑部侍郎  
守官以法權囊不可干以私時秦王從

榮握兵而驕多過失拜贊秘書監為秦王傅秦王  
府官屬類多浮薄傾險之徒日獻諛諂以驕王獨

贊從容諷諫率以正道及

晉馬全節

字大雅元城  
人晉高祖時

累遷廣晉尹留守鄴都全節為人謙謹事母至孝  
臨政決事必問法如何初徙廣晉過元城衣白襪

謁其縣令州里以為榮子令琮少善騎射從其父  
屢戰有功由是知名宋初累官昭義兵馬鈐轄

**周馮暉**

魏州人晉天福中拜義成軍節度使鎮靈  
武撫綏邊部凡十餘年恩信大著官至中

書令封陳留王暉卒子繼業代領其象宋開寶二  
年拜定難軍節度使改鎮定國軍吏民立碑頌其

遺愛太平興國

**宋潘美**

字仲詢大名人開寶二年  
初封梁國公為行營諸軍都部署征嶺

南擒劉錕送京師八年征江南為昇州道行營都  
監金陵平拜宣徽北院使太平興國四年平并州

留屯北邊累官忠武軍節度使封韓國公卒謚武  
惠子惟熙女即章懷皇后也從子惟吉累官天雄軍駐

洎都監致歷**趙延進**頓邱人姿狀秀整涉獵經  
中外以勤敏稱**趙延進**史周世宗征淮南延進獻

萬鈞以助軍授濠州兵馬鈐轄宋初歷知河中府  
梓相青三州太平興國初討幽薊詔督造噉具八

百期以半月延進八日成遼人擾邊命將兵  
禦之三戰大破之獲人馬牛羊鎧甲數十萬以功

遷右監門衛大將軍知鎮州 **田仁朗** 元城人宋初為西頭供奉  
官從討李重進有功還浚

五丈河以通漕運乾德中從破蜀秋毫無犯累拜  
右神武軍大將軍部修河北東路諸州城池數月

而就仁朗性沉厚有謀畧 **宋白** 字太素大名人年  
頗涉書傳所至有善政 十三善屬文豪俊

尚氣節建隆二年擢進士甲科乾德初獻文百軸  
試拔萃高等累官翰林學士雍熙中與李昉纂文

苑英華一千卷凡三知貢舉所得士如蘇易簡王  
禹偁胡宿李宗諤輩皆其人也真宗時官至吏部

尚書白瞻濟親族世稱其雍睦聚書數萬卷嘗類  
故事號建章集後進有文藝者必極意稱獎如胡

旦田錫皆出其門有集百卷 **柳開** 字仲塗大名人幼穎異有膽  
勇既就學喜討論經義慕韓

愈柳宗元為文開寶六年舉進士累官殿中侍御史雍熙中抗疏願任河北用兵之地以為崇儀使

知寧邊軍歷全邵代等州皆有政績有集十五卷作家戒千餘言以訓諸子性倜儻重義嘗過酒肆

飲有士人至自京師以貧不克葬親將丐王祐問所費曰二十萬開即罄所有遺之臧丙字

壽大名人弱冠好學性剛果有吏幹太平興國初舉進士釋褐大理評事淳化初歷知江陵府王

延德大名人士少給事晉卽遷供奉官高昌國遣使朝貢太宗以遠人輸誠遣延德使焉自夏州

渡河經沙磧歷伊州望北庭萬五千里雍熙二年使還撰西州程記以獻真宗時歷左千牛衛上將

軍致仕劉筠字子儀大名人士舉進士詔試選人校太清樓書擢筠第一為秘閣校理預修圖

經及冊府元龜累進翰林學士嘗草丁謂罷相制既而謂復留令別草制筠不奉詔曰姦人用事安

可一日居此請補外知廬州復召為翰林學士承旨再知廬州卒筠文辭善對偶尤工詩初為楊億所拔後遂與齊名時號楊劉凡三入禁林三典貢舉性不苟合臨事明達而治尚簡嚴

劉越

字子長大名人少孤貧有學行舉進士知襄城固始二縣有能名遷秘書丞會禁中火詔劾火所從

起越與殿中丞滕宗諒上疏諫仁宗為罷詔獄又請章獻太后還政太后崩擢嘗言還政者越已卒

贈右司諫官其一子陳琰字伯玉臨河人進士及第丁父喪

天聖五年祀南郊中外以為丁謂復還琰上疏曰丁謂因緣險佞私結要權冀移善地請勿原赦帝

然之官至尚書工部郎中潘夙字伯恭美從孫天聖中上書論

運使破邵州蠻圍峒九十月後知河中府章惇察訪荆湖討南北江蠻搖陳夙憂遣狀以知潭州再知

荆南閻守恭

井州榆次人徙家大名府明道中為

嚴雖家居如對賓客鄧中和時舉三禮喪親廬墓

所得俸祿悉散與人鄧中和時舉三禮喪親廬墓

終其喪定省往來如事生者郭申錫字延之魏人

二十年負土累墳高三丈郭申錫字延之魏人

時為侍御史知雜事屢詆權倖無所避種諤取綏

州申錫曰邊患將自此始及諒祚反請捐前故聽

其子襲爵且言但得重將守邊不要功生王獵字

事則甚矣著邊鄙守禦策以給事中致仕王獵字

之長垣人累舉進士不第慶歷中范仲淹薦為藍

田主簿徙林慮令吏民愛信入為諸王侍講英宗

在即尊禮之及即位拜天章閣待制兼侍講方議

濮王稱以問獵獵不可帝曰王待侍講厚亦持此

說耶對曰臣荷厚恩不敢以非禮名號加於王所

以報也帝大悟自是不復議神宗立自工部郎中

為本曹侍郎致仕  
**張田**字公載澶淵人登進士第歐陽修薦其才通判廣信軍歷知湖州盧

州桂州廣州皆有治迹田伉直自喜臨政以清嘗作欽賢堂繪古昔清刺史像日夕師拜之蘇軾讀

其書以侔古廉吏  
**李清臣**字邦直魏人七歲知讀書日數千言轉琦聞其名以兄之子妻

之舉進士應材識兼茂科歐陽修壯其文以比蘇軾為兩朝國史編修官撰河渠律歷諸志文直事

詳人以為不減史漢累  
**劉航**魏人第進士歷知虞官尚書右丞門下侍郎城犀浦縣為政寬猛

不同兩縣皆治知宿州押伴夏使使者執禮不遜航皆折正之持節冊夏主凡例所遺寶帶名馬却

弗受上禦戎書為河北西路轉運使熙寧大旱求言航論新政不便者五請祠去起知涇相二州終

太僕卿  
**劉安世**字器之航之子登進士第不就選從學於司馬光光薦為秘書省正字擢

右正言進諫議大夫論事剛直一時敬懾目之曰  
殿上虎章博惡之安置英梅等州凡投荒七年甲  
命所載遠惡地無不歷之徽宗即位超知鄆州真  
定府蔡京既相又七謫至峽州羈管稍復承議郎  
卜居宋都卒安世儀狀魁碩音吐如鐘家居未嘗  
有情容不好聲色貨利其忠孝正直皆則象司馬

光  
郭永

元城人少剛明勇決以祖任為丹州司法  
參軍歷知大谷縣調東平司錄參軍所在

有聲遷河東提點刑獄宗澤守京師以大名當衝  
要檄永守之不數日聲振河朔劉豫來寇大名孤  
城無援永率士晝夜堅守城陷怒罵不絕一家皆  
遇害永博古通今家藏書萬卷為文不求人知見  
古人立名節者未嘗不慨然掩卷終日聞兩宮北  
狩號絕仆地不食者數日其忠義蓋天性然紹興  
初贈資政殿金王汝梅字大用大名人始由律學  
學士謚勇節為伊陽簿秩滿遂隱居不



仕性嗜書動有禮法生徒以法經就學者兼授以經學諸生成服其教無敢為非義者同業憫其貧時周之皆謝不受

**張特立**

字文舉東明人恭和進士歷宣德州司正大初拜監察御史首

言世宗諸孫不宜幽囚又言尚書右丞顏扎舒魯與小民爭田失大臣體叅知政事徒單武丹諂事近習皆宜罷黜當路者忌其直遂罷歸田史敷授諸生元世祖降璽書賜號中庸先生所著有易集說歷年係事記顏扎舒魯舊作顏蓋世元王鶚魯徒單武丹舊作徒單兀典今並譯改

**元王鶚**

字百一東明人幼聰悟日誦千餘言長工詞賦金正大元年中進士第一歷左右司郎中蔡州陷萬戶張柔救之輦歸保州世祖在藩邸遣使聘至進講孝經書易及治道每夜分乃罷及即位首授翰林學士承旨制詔典章皆所裁定阿哈瑪欲取相位大臣復助之衆莫敢言鶚獨不附卒謚文康有詩文

四十卷曰

王珍

字國寶南樂人慷慨有大志金末與楊鐵槍以兵應太祖行營帥安

濟署珍軍前都彈壓宋將彭義斌侵據大名珍棄其家間道走還軍中及元兵擊走義斌珍謂其妻子曰吾非棄汝輩誠不以私愛奪吾報國之心耳後以軍功累授本路行軍萬戶子文幹襲爵累遷江東建康道提刑按察使卒於官貧不能歸葬人以此稱之

安濟舊作按只今譯改 靳德

進

大名入父祥師事臨川郝溫兼善星歷金末與母相失母悲泣而盲祥訪得之舐母目百日復

明人稱其孝元初太祖命劉敏行省於燕敏辟祥冥幕下時藩帥得擅生殺無辜者得賴祥以免德進為人材辯讀書通大義尤精星歷之學世祖命劉求忠選太史官屬德進以選受天文星歷卜筮三科管勾凡交結躡次六氣侵移所言休咎輒應時因天象以進規諫多所裨益累遷秘書監長司

天事從征叛王那彥揆度日時率中機會諸將欲  
勦絕其黨德進獨陳天道好生請待其降從之成  
宗即位歷陳世祖進賢納諫咨詢治亂之由帝深  
嘉納授中書右丞累官昭文館大學士知太史院  
預議中書政事卒贈大司徒謚  
文穆 那彥舊作乃顏今譯改 張立道 字顯卿大  
七備宿衛從世祖北征未嘗去左右至元中使安  
南並黑水至其國定激貢之禮授大理等處巡行  
勸農使治昆明池得地萬餘頃皆為良田教變蠻  
蠻桑之法雲南由是富庶又建孔子廟置學舍風  
化大行累拜雲南行省叅政卒于官所著有效古  
集平蜀總論安南錄雲南風土記六詔通說若干  
卷  
元善 大名父有昆弟五人因貧流散江淮久  
之遂客死至大四年善往尋其骸骨并迎  
弟侄等一十五喪而歸改葬祖  
父母以諸喪序列柩於塋次 蓋苗 字耘夫元城  
人延祐五年

進士授單州判官。歷中外多善政。讜言累遷。陝西行御史臺中丞。卒。追封魏國公。謚文獻。苗學術淳正。性孝友。喜施與。置義田以贍宗族。平居恂恂謙謹。及遇事張目敢言。雖經挫折。無少回撓。有古遺直之風焉。

**李好文**

字惟中。東明人。至治元年進士。除太常博士。纂成太常集禮五十卷。

至正中。中皇太子入學。命好文以翰林學士兼諭德。乃摘諸經要畧。取史傳及先儒論說有關治體而協經旨者。做大學衍義之例。為書十一卷。名曰端本堂經訓要義。詔令太子習焉。又集歷代帝王故事總百有六篇。以為太子問安餘暇之助。又取古史為書曰大寶錄。大寶龜鑑。皆錄以進。以翰林學士承旨。郭嘉。字元禮。濮陽人。祖昂。父惠。俱以戰功致仕。顯嘉慷慨有大志。登太定。進士累遷禮部員外郎。會遼東騷動。授嘉廣寧路總管。奉詔團結義兵。號令齊一。賞罰明信。為東方諸郡之最。

既而賊勢日熾孤城無援賊脅之降嘉開城逐賊力戰以死贈河南江北等處行省左丞太原郡公

謚忠烈

劉天孚

字裕民大名人由中書譯史為東平總管府判官歷知冠州許州所至有

治績後知河中府陝西行省阿斯罕為亂舉兵至河中天孚日夜治戰守具選丁壯分守要害及阿斯罕入城脅天孚使附已天孚謂幕僚曰吾荷上恩與其辱於賊手寧蹈河以死時河水方堅乃拔佩刀斫冰北望再拜投水死事平贈護軍彭城巴郡侯謚忠毅阿斯罕舊作阿思罕今譚改巴

顏

一名師聖字宗道哈刺魯氏隸軍籍蒙古萬戶府世居開州濮陽縣自弱冠即以斯文為己任

至正四年徵至京師授翰林待制預修金史既畢辭歸四方來學者千餘人其學務真知力踐不屑事詞章士出其門不問而知其為巴顏氏學者十八年河南賊蔓延河北巴顏渡漳北行邦人從之

者數十萬家至磁與賊遇賊知巴顏名士生利之  
將誘以富貴巴顏罵不屈引頸受刃與妻子俱死  
之贈奉議大夫謚文節  
巴顏舊作伯顏今譚改  
**卜琛** 大名人游學京師補  
至正十二年盜起琛統丁壯數百人擊賊象潰散  
被擒賊素知琛諭之降琛唾罵曰我國子生也寧  
義死不從賊生罵不止  
屢脅不聽賊乃殺之  
**明周武** 開州人從太祖定

張士誠俱有功累官都督僉事以城西  
番功封雄武侯卒贈汝國公謚勇襄  
**康祥** 南樂人母

患瘋疾祥晨夕虔禱疾遂愈繼患瘡癩又禱欲以  
身代忽適體皆癩母疾亦愈及卒負土成墳廬其

則三年宣  
德中旌表  
**楊鐸** 南樂人少孤養母至孝及卒廬  
墓三年身容毀瘁宣德中旌表  
**甘**

**澤** 開州人正統進士歷御史巡按陝西與武清侯  
石亨不協謫常熟知縣奔父喪與弟潤俱廬墓

三年澤卒潤居母喪侯英字世傑開州人天順進士歷官江西按察使僉

復廬墓弘治中旌表事遭母喪與弟侃俱廬墓三年馬宗範開州人為國子生父

有白鳥數千繞樹成化中旌表喪廬墓盜不取王鵬長垣人為諸生父喪廬墓有犯弘治中旌表

翟唐字免佐長垣人弘治進士擢御史正德四年出按湖廣奏言四川賊首劉烈偕號設官將

為大患宜切圖預備之策時劉瑾竊柄言路久閉而唐疏中有壅閉語瑾怒切責久之遷寧波知府

有善政以裁抑市舶中官崔瑤被誣下獄謫嵩明知州終陝西副使王經字邃伯開州人弘治

進士歷戶部員外郎署郎中事劉瑾竊政羣閹多請託經悉格不行遷衛輝知府湖廣副使中官谷

大用以迎立興世子至安陸驕恣甚經不屈棄官歸嘉靖中起河南副使轉山西參政皆有討賊功

累擢大理御綬正直鯁亮居官布衣  
蔬食如寒士左遷山東參政卒官

石星

字拱辰  
東明人

嘉靖進士官吏科給事中隆慶初以帝任用宦官  
不親政事上疏極諫詔杖六十絕而復甦星妻鄭  
誤聞星斃遽觸柱死神宗初起故官累遷工部尚  
書以四方災傷而織造不已數有論諫改戶部叢

邊計建白十四條尋改兵部倭入朝鮮星  
力主封貢後事壞下獄論死天啟中復官

李化龍

字于田長垣人萬曆初進士累遷右僉都御史巡  
撫遼東時秦寧巴圖爾入寇化龍與總兵官董一  
元伏兵破之邊塞警服進兵部右侍郎播州楊應  
龍作亂以化龍總督湖廣川貴兼撫四川發兵討  
平之父喪服除起為工部右侍郎總理河道奏開  
泃河二百六十里以避黃河呂梁之險為漕渠永  
利歷戎政尚書條上兵食戰守之策言甚切至加  
少傅兼太子太保卒贈襄毅加贈太師巴圖爾



舊作把免  
兒今譯改  
**魏允貞**  
字懋志  
南樂人  
萬歷進士  
授荆

法執而杖之  
擢御史  
劾兵部尚書  
吳允結納權閹  
不可與中樞  
又陳時弊  
四事忤執政  
謫許州判官

累遷右僉都御史  
巡撫山西  
政聲大著  
進兵部右  
侍郎卒  
謚介肅  
弟允中有  
雋才舉鄉試  
第一中進

士官吏部主事  
允中弟允孚舉進士  
**崔景榮**  
字自  
官刑部郎中  
亦有名世  
稱南樂三魏

垣人  
萬歷進士  
擢御史  
劾東廠太監張鯨  
罪巡按  
甘肅湖廣河南  
後按四川  
播州亂  
景榮監劉綎  
吳

廣等軍賊平  
奏蠲蜀一成  
租卹上東五路  
罷礦使  
擢右僉都御史  
巡撫寧夏  
申威信  
省市費  
邊陲晏

如累遷兵吏二部  
尚書忤魏  
**朱爵**  
開州人  
萬歷進  
忠賢奪職  
崇禎中贈少保

中嘗論時政  
闕失因疏  
趙志臯張位  
罪三王並封  
制下爵又切諫  
謫山西按察司  
知事天啟中  
贈太

僕少 **董漢儒**

字學舒開州人萬歷進士歷官江南糧儲叅政稅監陳增恣橫其胥役為

盜漢儒捕殺之擢湖廣按察使會楚藩以他姓冒請承襲為諸宗詰奏巡撫趙可懷左袒冒襲者諸宗向而撲殺之時變起倉猝人心洶懼漢儒獨鎮靜故緩其獄已而首惡抵法餘悉平反累遷宣大總督天啟初入為兵部尚書魏忠賢矯旨欲廢其弟佖為錦衣僉事漢儒上疏力爭言極鯁直會丁母憂歸崇禎初進太子太保未及赴召卒謚肅敏

**成基命**

字靖之大名人萬歷進士改庶

吉士授編修累遷禮部右侍郎魏忠賢用事絕弗與通及楊漣獄起忠賢指為黨矯旨奪官崇禎初復起吏部右侍郎召見平臺咨方畧力薦舊輔孫承宗尋拜禮部尚書東閣大學士日夜籌畫邊事奏疏數十上咸中機宜

**李其紀**

字布衣清豐人萬歷進士授工部主

以疾乞歸卒謚文揚

事調吏部歷陞郎中典選事上嘉其廉直後以事左遷行人司副遂還里崇禎十五年城陷不屈死

賜謚烈愍 乾隆四十一年 張三傑 字任吾魏縣人天啟中舉於鄉歷官戶部員外郎崇

禎末李自成陷京城傑為賊所執不屈死乾隆四十年

賜謚節愍 張力 字損侯東明人崇禎進士為萊州府推官罷歸李自成陷京師遣偽官至縣力

偕同邑紳士誅之為賊將所執大罵而死乾隆四十年

賜謚節愍 楊希震 字心起長垣人崇禎進士授堂邑知縣歲大旱請蠲積逋四萬八千有奇

李自成偽官至希震結壯士謀誅之事洩被酷刑令供同謀者希震忍死不言賊斷其頭身仆復躍

若擊賊狀賊大驚擲之城外忽白氣亘天久之方散乾隆四十年

賜諡烈愍

本朝崔九圍

長垣人順治初奉母及妻子館從祖濬縣教諭署中庚寅寇至持刃脅其母九

圍突前救護以頭觸壁身受三刃髮截指落瀕死復甦母賴以全其妻劉氏為賊所逼不屈死九圍

復登辛知鄉試

劉永錫

字欽爾魏縣人明崇禎舉官白水知縣人授長洲學教諭明亡後

隱於陽澄湖巡撫欲薦之以疾固辭家貧衣食或不給淡如也常自鼓棹出至中流作歌歌竟而返

及卒其友與門人共葬之又大名舉人夏道一字元真明亡不仕率婦子耕績作紡車以自給人

為永錫

崔對

字璩墟長垣人順治丙戌進士授蒙陰知縣以慈惠為政青兗盜起對督

鄉兵竭力守禦城陷望闕北拜抱印投井卽死賊至署中索金不得惟圖書數卷而已卽炳元

字飛虹長垣人順治丙戌進士授孝感知縣時楚  
方用兵有賊踞山負固久不下炳元至單馬馳赴  
賊壘開諭之呼酒劇飲既醉就卧賊感悅遂出降  
制府奇其才更令招降餘黨先是有吏侵盜庫銀  
炳元窮治之吏亡走賊中言炳元將誅殺降者賊  
信之聚眾來攻時城無守禦具或勸之逃炳元曰  
我受國重恩不幸墮賊手有死  
魏體仁南樂貢生  
而已遂死之妻李氏亦遇害  
官永清訓

導母谷氏病癰症體仁侍奉十三年未嘗解衣而  
寢性廉介不苟取于知縣田慶曾重其人嘗貽金  
五十兩力辭弗受善書法亦能詩又同縣民李立  
春事親至孝父母歿俱廬墓三年康熙初旌表

于世俊

長垣人父南極為于光宗毆死世俊時年  
幼欲報未能時懷刃以伺越數年遇於酒

家誘之醉擊殺其首詣縣  
自首有司嘉其孝奏釋之  
閻祚茂祚盛  
長垣人順  
治中河決

兄弟奉母避水至劉家口舟覆母溺二人呼天叫號同躍入水出沒波濤間數里竟負母而出皆無恙

流寓漢王賀

東平陵人與東平終氏為仇怨乃徙魏郡元城委粟里為三老魏郡人德之

鄭均

仕城人常稱疾家居不應州郡辟召郡將欲必致之既至卒不能屈於是客於濮陽建初

三年司徒鮑昱辟之後舉直言並不詣

晉祖逖

范陽道人僑居陽平年二十四陽平辟察

孝廉司隸再辟舉秀才皆不行

唐王義方

連水人客於魏孤且窶事母甚謹後官侍御史

以劾李義府貶萊州司戶叅軍歲終不復調往客昌樂聚徒教授隱居不出

宋高顛

雍

人為天雄軍掌書記以病免居於魏符彥卿待之甚厚及彥卿罷鎮其故時將吏賓客無敢復游魏

者惟頓清苦守法魏人愛之在元竇默肥鄉人元魏三十年無一人言其非者

渡河又走德安謝憲子以伊洛性理之書授之適中書楊惟中奉旨詔集儒士默乃北歸隱於大名

與姚樞許衡朝暮講習至忘寢食

列女唐劉元佐母滑州匡城人元佐貴母尚月織純一端示不忘本數教元佐盡臣節

見縣令走廷中白事退戒曰長吏恐懼卑甚吾思而父吏於縣亦當爾而據案當之可安乎元佐感

悟待下益加禮宋劉安世母安世初除諫官未拜命入白母曰朝廷不以安世不肖使

在言路須明目張膽以身任責脫有觸忤禍謹立至主上方以孝治天下若以老母辭當可免母曰

不然吾聞諫官為天子諍臣汝父平生欲為之而弗得汝幸居此地當捐身以報國恩正得罪流放

無問遠近吾當從元王德政妻郭氏大名人士少孤

汝所之於是受命事母張氏孝

謹以女儀聞於鄉及笄富貴家慕之爭求聘張氏

不許時德政教授里中年四十餘貌甚古陋張氏

以貧不能教二子欲納德政為壻使教之宗族皆

不然郭氏慨然願順母志既婚與德政相敬如賓

屬教二弟有成未幾德政卒郭氏年方二十餘勵節自守甚有貞名大德間表其家馮淑安

字靜居大名宦家女山陰縣尹山東李如忠繼室

也如忠初娶蒙古氏生子任數年而卒大德五年

如忠病篤馮引刀斷髮誓不他適既歿兩月遺腹

生一子名伏李氏及蒙古氏之族至山陰盡取其

質及子任以去馮不與較一室蕭然朝夕哭泣久

之鬻衣權厝如忠與蒙古氏兩柩攜子廬墓側時

年二十二羸形苦節為女師以自給父母憐其孤

苦欲使更事人馮爪面流血不肯從居二十年始



蕝喪歸葬汶上齊魯人聞之莫不歎息

### 明楊善妻劉氏

魏縣人一生一女幼有志操

正德六年流賊至見女姿色執之而去劉追奪賊并欲執劉劉曰吾寧死不受辱賊殺之挾女上馬女奮手擊賊面流血賊怒剗其腹而死同縣閻氏女閻蘭妻韓氏南樂蘇氏張臣妻李氏清豐楊布娥張金臺孔穿燹三女開州劉氏女玉桂白士強妻李氏長垣毛秀妻王氏皆以罵賊不屈見殺

### 張翹妻房氏

大名人與母避亂相失遇寇欲掠之給曰有母在前俟覓得從汝寇遣之

遂赴井死姜從仁妻王氏清豐人賊至抱一歲兒避難

之後出其屍身貫數矢邵仁妻邵氏長垣人仁卒遺二孤長甫三歲幼在襁褓氏紡

經自給事姑羅氏盡孝訓二子皆成立次子永春登進士隆慶中詔旌其門

### 麻鏖繼妻

和氏

大名人年十七適銚四年而寡子甫一歲前子甫六歲和拜其母飲毒死崔氏女

魏縣人幼字張魯及笄魯以罪繫獄女聞內自傷悼羸衣素食每夕焚香籲天祈免魯罪母兄數欲

令改適女誓死不從歷五年魯得免死死武氏女南

人許氏諸生李括括家貧不能娶感病卒女聞之欲往弔父母不許即自縊死張慶妻陳

氏開州人慶有疾氏號泣籲天願以身代謂慶曰若不幸父母必再嫁我我當以一死報君慶卒

氏即自縊死

本朝張嚴妻史氏

開州人夫亡前妻遺一子己生一女皆幼遭明末寇亂氏棄女抱子

以逃事平女竟無恙子馮瑞繼妻白氏清豐人順亦成立康熙中旌表治五年為

賊所掠大  
罵被殺

劉璧星繼妻彭氏

東明人璧星官印墨  
知縣歲甲申與張力

等同誅偽官遇害氏潛匿幼孤收葬夫  
骸守節至八十八歲雍正四年旌表

王鎮妻馮

氏東明人年二十餘夫亡姑及伯叔相繼歿翁年  
六十氏孝養守節後翁繼娶陳氏生二子翁又

歿氏勸陳同守撫二子  
成立年至九十歲卒

張握瑾妻郤氏

長垣人夫  
亡不食七

日父母百計勸之乃食姑病禱天願以  
身代及歿哭之喪明康熙中旌表

王鶴冲妻

崔氏

大名府人年十八而寡養姑撫子成立及姑  
卒曰吾事畢矣不食數日死同郡朱某妻孟

氏許氏共事舅姑以孝聞及舅姑歿葬畢同日自  
盡成夢斗妻張氏年二十歲夫亡無子事孤撫小

叔夢庚及長為娶婦田氏甫合夢庚遽斃田即  
自經救免借張守節歷三十年姑病張祈以身代

田割股和藥以進姑歿田不食而死**成奕越妻杜氏**大名府人年十九夫亡立族子

為嗣未幾又殤氏遂不食死同郡成少龍妻李氏侯國卿妻段氏皆早寡撫姪姪死俱自盡柴廷獻

妻蔡氏年十九夫亡徒步二十里送葬及歸不食死成其行繼妻崔氏趙遐妻陳氏俱以夫死殉節

開州李大成妻張氏長垣李**徐日新女**大名縣人  
婦妻張氏皆以夫亡殉節

官病歿女隨母往弔乞留侍翁姑不許絕食十六日死又同縣劉可大女李隨蘭女東明曹化白孫

女皆為鄰惡所逼不從**鄭國器妻宋氏**元城人夫  
被殺康熙中並旌表

年少強今改適其姪氏抱稚女赴墓悲號投井中死邑人哀之立碑於墓雍正八年旌表**張**

**二黑妻孟氏**南樂人為強暴所逼不從死又長垣  
劉建子妻劉氏王宗湯女二姪郭尚

女二鳳開州馮彥居妻劉氏王坤妻劉氏大名縣  
王三妻景氏元城孫月朴妻謝氏東明胡元爵妻

趙氏趙廷桂女大姐皆不  
受汙死並雍正中旌表  
**錢含芬妾程氏**元城人夫亡悲

切自縊又同縣黃彪之女黃氏天性篤孝因父無  
子矢志不嫁孝養父母及歿殯葬以禮年六十九

終俱于乾隆四年旌表又徐年妻吳氏馮小妻  
郭氏皆遇暴不汙悲念自盡又陳朝廉妻王氏張

士鏜妻陳氏魏充妻高氏虞濬妻高氏李鏞妻張  
氏郭良圖妻趙氏王貴賢妻張氏卞克岩妻常氏

陶立言妻楊氏王子綸妻王氏任超妻王氏苗維  
馨妻房氏呂純仁妻趙氏劉玉美妻李氏步光祖

妻張氏屠國玉妻趙氏賈建元妻張氏  
楊璽妻孫氏俱以守節先後旌表  
**王克廣妻**

**王氏**大名縣人夫亡家貧事翁姑克盡禮乾隆四  
年旌表同縣楊大紀妻丹氏安左妻王氏

張進道妻曹氏王之瀚妻魏氏郭嗣義妻連氏王  
振華妻李氏王佩妻皇甫氏劉從偉妻郭氏徐筠  
妻王氏徐鈍妻趙氏張其正妻魏氏李作模妻張  
氏邢昭妻高氏劉芳妻陳氏劉廷蘭妻顏氏張濟  
繼妻錢氏張立基妻許氏張煥妻馬氏韓法祖繼  
妻史氏李宏模妻郭氏苗苾妻高氏解俊妻張氏  
崔紀妻李氏崔誼妻苗氏朱大武妻王氏張滋妻  
劉氏郭所廷妻王氏邢爾達妻李氏郭學妻李氏  
邢爾藝妻張氏段自有妻孫氏劉智妻魏氏  
楊九如妻馬氏俱夫亡矢節先後旌表  
起妻趙氏南樂縣人夫亡無子衣食不給事翁姑  
能得歡心乾隆三年旌表同縣孟喬  
妻谷氏武允曾妻高氏張正心妻樊氏李挺生妻  
閻氏馮有倉妻賈氏劉桐妻姜氏閻訪妻王氏谷  
登妻王氏張令聲妻鞏氏魏大梁妻王氏萬應旌  
妻連氏武其秀妻谷氏段三畧妻劉氏韓起元妻

張氏王元勳妻李氏俱  
常洵妻李氏  
清豐縣人夫  
以守節先後旌表  
亡矢志守節

乾隆三年旌表同縣坑金宿妻趙氏郭維祥妻  
李氏婁輝妻費氏師奉進妻靳氏李文林妻秦氏  
皆以守節先  
旌表  
任天章女改姐  
東明縣人過暴不污  
後旌表  
悲念自縊乾隆二十

三年旌表同縣戴會隆妻張氏盧汝為妻張氏  
黃琰妻甄氏盧龍甲妻甄氏李凱妻陳氏皆夫亡  
守節先後  
旌表  
尹沐妻楊氏  
開州人夫亡悲切自縊乾  
隆四年旌表又朱德隆

妻杜氏夫亡居喪三年禫祭畢投繯自盡乾隆十  
一年旌表又張珍妻段氏劉倫妻王氏皆遇暴  
不污忿恚自盡先後旌表又董純脩妻張氏周  
映箕妻張氏董倫妻李氏張福妻趙氏博鵬翔妻  
袁氏王煩妻郭氏王化遠妻謝氏張廷秀妻隨氏  
段生彩妻王氏張廷彩妻耿氏田耕妻呂氏金重

妻張氏金蘭妻田氏胡克書妻苗氏郭奉來妻李氏郭同善妻閻氏王聲赫妻胡氏田曰璋妻聶氏孫惟統妻趙氏李淑妻劉氏孫汝霖妻谷氏楊滌然妻劉氏李煥然妻沈氏李翠妻程氏李輩妻王氏郭德明妻陳氏谷呈禧妻段氏張應遼妻王氏谷嶧妻張氏王之玉妻巴氏王仁道妻施氏蘇大生妻李氏陳源清妻劉氏竇國士妻徐氏劉欽妻于氏胡作景妻任氏曹爵祿妻傅氏謝廷閣妻張郭方馨妻王氏程先濟妻王氏石崇妻劉氏程榮妻張氏薛騰字妻蕭氏夏益元妻靳氏王俊起妻周氏石有妻唐氏蘇尚智妻馬氏謝廷俊妻王氏蕭良甫妻劉氏劉景太妻李氏庫過賢妻趙氏謝士適妻何氏夏銳妻史氏謝士英妻張氏又東明縣岳璜妻張氏楊元貞妻張氏俱以守節先後旌表

王德成女王氏

長垣縣人遇暴不污捐軀明志  
乾隆二十六年旌表同縣李



有祿妻王氏遇暴不污羞忿自盡亦被旌表又  
張珙妻楊氏趙儲妻解氏王橫妻魏氏李固仁繼  
妻王氏張世永妻李氏張絕曾妻趙氏王鷄冲妻  
吉氏于潛海妻張氏郭建侯妻呂氏陳閻然妻范  
氏王曰采妻陳氏王鷄冲妻李氏陶士升妻潤氏  
趙士奇妻李氏崔茂林繼妻楊氏崔汝庸妻郭氏  
陳克恭妻夏氏杜汝夔妻秦氏王相妻吉氏毛重  
新妻許氏成彥濟妻宋氏楊鍾衡妻王氏張象賢  
妻李氏郭興妻劉氏蕭芬妻趙氏崔鉅妻郭氏楊  
藻妻田氏陳元魁妻朱氏宋大嚴妻王氏俱以守  
節先後

旌表

### 仙釋唐僧一行

張公差之孫自幼聰照師事普寂禪師見高僧盧鴻文一覽成誦因窮大

衍歷數得其精妙唐明王召問之曰卿何能對曰  
善記覽即以官人籍示之覽畢如數所習讀帝歎

吳之卒諫  
大慧禪師

土產角弓

唐書地理志  
澶州土貢

席

唐書地理志  
澶州土貢  
鳳

貢苳  
莠席紙

開州志  
州東清河濱  
人多造紙為業  
頗佳

紫草

唐書地理志  
魏州土貢

胡

粉

唐書地理志  
澶州土貢  
胡粉  
石府出  
府志出  
石府出  
府志出  
石府出  
府志出

河

明統志  
本府出

枝頭乾

明統志  
南

梨

金史地理志  
大

櫻桃

金史地理志  
大

棗

府志  
府境最多  
按唐書  
魏州土貢  
花  
紬  
綿

紬平  
紬純  
絹金史地理志  
大名府產  
被  
殺  
絹  
今元城開州雖織純絹大都產不充用

欽定大清一統志卷二十三

𠄎

𠄎

𠄎

𠄎







宣化府表

	宣化府	宣化縣
漢	上谷郡地	廣寧縣 前漢屬上谷郡後漢曰廣寧
三國魏	廣寧郡地	
晉		省 省入下洛
後魏	燕州地	
齊周		懷戎縣地
隋	涿郡地	
唐	武州 初為揚州地光武中入建	文德縣 初為懷戎縣地後武置為武州
五代	武州 晉天福初	文德縣
遼宋	歸化州 遼改名屬西京遼宣和五年宋	文德縣
金	宣德州 天定七年改宣化州	宣德縣 天定二十年改名
元	順寧府 初升宣寧府中統四年改宣德府屬大都	宣德縣 府治
明	宣府缺 洪武四年府縣俱廢永樂中廢宣府鎮宣德五年置萬全郡攝	宣府衛 洪武初廢縣二十六年置宣府左右衛三衛







<p>蔚州</p>	<p>代郡 前漢治桑 郡復漢移 治高柳</p>	<p>代郡 運治代縣 永嘉中陶 懷燕時縣</p>	<p>代郡 復置高柳 中陶廢大 平中分為 靈邱郡</p>	<p>代縣 李昌中廢</p>	<p>蔚州</p>	<p>代郡 前漢代郡 治復漢為 桑乾縣</p>	<p>代郡 古代國郡 二漢為代 郡</p>	<p>代郡 桑乾縣</p>	<p>代郡 桑乾縣</p>		
<p>蔚州興唐</p>	<p>蔚州興唐</p>	<p>蔚州</p>	<p>蔚州</p>	<p>蔚州</p>	<p>蔚州</p>	<p>興唐 安二年移 縣未治為 州治</p>	<p>興唐 天寶初始 移州去遠 年入道</p>	<p>興唐 道宋馬雲 路</p>	<p>興唐 至元二年 廢為州 香復置為 宣德府</p>	<p>興唐 洪武四年 遷為大同 府</p>	<p>興唐 崇十五年 改懷柔左 衛十六年 曰懷柔衛 宣德初移 延慶右衛 於此並屬 萬全郡司</p>
<p>靈仙縣</p>	<p>靈仙縣</p>	<p>靈仙縣</p>	<p>靈仙縣</p>	<p>靈仙縣</p>	<p>靈仙縣</p>	<p>興唐 開元十二 年置安遠 縣為蔚州 天寶初始 此初復改</p>	<p>興唐 深州平二 年改曰隆 化復唐曰 此初復改</p>	<p>興唐 深州平二 年改曰隆 化復唐曰 此初復改</p>	<p>興唐 深州平二 年改曰隆 化復唐曰 此初復改</p>	<p>興唐 深州平二 年改曰隆 化復唐曰 此初復改</p>	<p>興唐 深州平二 年改曰隆 化復唐曰 此初復改</p>

東安陽縣  
屬代郡  
省

當城縣  
屬代郡  
當城縣

離昏縣  
屬代郡

安陽縣  
復置去東  
平屬高柳  
郡

省

為涇王德  
二載改名  
晉初又改

定安縣  
建以故東  
安陽縣地  
屬許州  
定安州  
貞祐二年  
升為州  
定安縣  
復降為縣

省八州

許州衛  
洪武七年  
置衛於蔚  
州城屬山  
西行都司  
宣德五年  
改屬萬全  
都司

懷安縣	西寧縣
下注縣地	前漢為代郡懷安縣
懷安縣地	
懷安縣 唐不置為新州	唐唐縣地
懷安縣	安塞軍
懷安縣 初為奉安州後屬大周府	弘州 連統和中 道屬西京
懷安縣	永寧縣 連置為州 大定七年 改名
懷安縣 初為宣德府中統三年改為興和路	順聖縣 連屬奉安州後改為州
懷安衛 洪武初廢 為萬全衛	順聖東城 洪武初廢 為萬全衛

保安州	慶州
	居庸縣
	居庸縣
廣南郡 太康中置	
燕州 太和十置 州李百中	居庸縣 李百中 太平十復
壯州 齊置 長寧永置 二郡開去 北字	齊廢 武勝 武勝地
開皇中郡 廢大業中 州廢	
新州 武德七年 復置北燕 州貞觀八 年改曰鴻 州長安二 年復廢元 武中改置	儒州 唐末置
新州 晉八福元 年八道	儒州 晉天福元 年八道
奉聖州 遠改名屬 西原道	儒州 遠屬西原 道
德興府 大安元年 并府為西 京路	儒州 皇統元年 州廢 初復置
保安州 至元五年 復曰奉聖 州復至元 三年改名 屬順寧府	龍慶州 初廢至元 三年前 年復置 五置 屬奉聖州 延祐三年 并歸為州 屬大新 路
保安州 洪武初州 縣廢 崇禎三年 復置州 縣亦 廢 縣亦 廢	延慶州 洪武初改 十戶所建 文四年 五年 崇禎十 一年復置 州 即隆安 初 改名

卷之三十一

四

彭氏四庫全書

下落縣  
屬三郡

下落縣

下落縣  
改名為郡

下落縣  
州郡治

番省

潘縣  
屬三郡

潘縣

潘縣  
改為廣南  
郡

省

懷戎縣  
齊改為  
州治

懷戎縣  
屬涿郡

州長安中  
徙廣光啟  
中改置為  
州治

塔山縣  
唐末置  
屬

塔山縣

塔山縣

塔山縣  
初屬野州  
明昌三年

至元二年  
省入永興

涿鹿縣  
屬三郡

涿鹿縣

涿鹿縣  
改為唐南  
郡

涿鹿縣

省

塔山縣  
唐末置  
屬

塔山縣  
初屬野州  
明昌三年  
改為德興  
府